

四庫全書

子部

欽定四庫全書

北堂書鈔卷五十六

唐 虞世南 撰

明 陳禹謨 補註

設官部八

大夫總

左右光祿大夫

大中大夫

諫議大夫

議郎

童子郎

士

大夫總

為勛脉臣

六韜云廿七大夫者為勛脉之臣

為帝者佐

春秋漢含孳云少微之北大夫

位為帝主綱紀

又云大夫主綱紀

法山陵

又云大夫法山陵

毗亮九卿

漢官儀云天子廿七大夫職在言議毗亮九卿

職參九卿

帝王世紀云大夫者所以參九卿也掌

論議

漢書百官公卿表云大夫掌論議有太中大夫中大夫諫大夫諫大夫皆無員多至數十人武帝元狩五年

初置諫大夫秩比八百石太初元年更名中大夫為掌光祿大夫秩比二千石太中大夫秩比千石如故補掌

應對

續漢書百官志云凡大夫無員數掌顧問應對無常事唯詔命所使也

一國之高

文子

云取一國之高以

四方則之

漢官解詁云光祿大夫諫議大夫揖讓羣卿四方則

之登高能賦

漢官儀云登高能作賦者可以為大夫

通於人事

說苑云大

與民同衆取去與民同利通於人事行猶舉繩不傷於言言達於世不害於身通於關梁實於府庫如是者舉以為大夫故大夫之進賢達能白虎通云大夫之為言事當在於仁也補

進賢達能

大扶進人者也故傳云

進賢達能謂之大夫也

溫故知新

漢官解詁云武帝以中大夫為光祿大夫於古禮為天子之大

夫視列國之上卿光祿大夫大中諫議大夫皆能溫故知新與叅國體稽合同異者也

講論五始

公羊傳云五始者元年春王正月即位元者氣之始春正者四時之始王者受命之始月者政教之始公即位一國

之始才知深美

漢官儀曰感物造端才知深美可與國事故舉為列大夫古者諸侯卿大夫交

接鄰國以微言相感當揖讓之時必稱職在言議漢官儀見

詩以喻其志別賢不肖而覩盛衰者也

上言達於世事在於仁說苑見上大夫之後不可徒行大

夫致仕賜之几杖

曲禮云大夫七十而致仕若不得謝則必賜之几杖行役以婦人適四方

乘安車自稱曰老夫於其國則稱名越國而問焉必告之以其制

### 左右光祿大夫

荀勗以左光祿開府

王隱晉書云荀勗為光祿大夫儀同三司開府辟召時諸州郡大水

兗土尤甚勗陳宜立都水使者其後門下啓通事令史伊羨趙咸為舍人對掌文法詔以問勗勗曰增置文法之職適恐更耗擾臺閣臣竊謂不可荀勗傳云時明帝素知太子闇弱恐後亂國遣勗及和嶠往觀之勗還盛

稱太子之德而嶠云太子如初於是天下貴嶠而賤曷  
帝將廢賈妃與馮統等諫請故得不廢時議以曷傾國  
害時孫資劉放之匹補案曷久在中書專管機事及失  
之甚惘惘悵悵或有賀之者曷曰奪我鳳凰池諸君何

附 賀邪

劉寔以右光祿開府

王晉書劉寔加侍中特進右  
光祿大夫開府儀同三司領

冀州都督

案寔每崇儉素不尚華麗嘗詣石崇家如  
廁見有絳紋帳裯褥甚麗兩婢持香囊寔便退笑謂崇

曰誤入卿內崇曰是廁耳寔曰

補武陔朝論歸美

晉諸公  
贊云武

陔遷為右光祿開府公  
身率職朝論歸美云

賀循儒者為榮

晉中興書會稽  
賀錄云循拜左

光祿大夫開府儀同三司帝親臨軒遣使持節加印綬  
循病雖口不能言而指麾左右推去章服車駕親幸執  
手流淚太子親臨者三焉  
入朝不趨 晉諸公贊云扶風  
往還皆拜儒者以為榮 王朝為光祿比秩

三司劍履上殿入朝不趨

太官致膳

晉中興書琅邪顏含拜右光祿大夫門施行馬賜牀帳被褥敕

太官四時致膳固辭不受于時論者以王導帝之師傅名位隆重百僚宜為降禮太常馮懷以問于舍舍曰王

公雖重理無偏敬降禮之言或是諸君事宜鄙人老矣不識時務

案舍告人曰吾聞伐國不問仁人向馮祖

思問佞于我我

秩二千石

漢書貢禹傳禹上書曰賴陛下神靈拜光祿大夫秩二千

石奉錢月萬二千祿賜愈多誠非草茅愚臣所當蒙也伏自念終亡以報厚德日夜慚愧而已補案自禹在位

數言得失書數十上禹以為古民亡賦算口錢起武帝征伐四夷重賦于民民產子三歲則出口錢故民重困

又言古者不以金錢為幣專意於農今漢家鑄錢及諸鐵官皆置吏卒徒攻山取銅鐵鑿地數百大銷陰氣之

精地藏空虛不能含氣出雲水旱之災未必不由此也疾其末者絕其本宜罷採珠玉金銀鑄錢之官又減諸

衛尉以寬繇後天子下其議令民產子七歲乃出口錢  
又罷上林宮館希幸遇者及省建章甘泉宮衛卒餘雖  
未盡從然嘉其  
質直之意附  
銀章青綬  
晉百官表注光祿大夫銀章  
青綬五時服進賢兩梁冠佩

水蒼玉官品第二  
俸月三十五斛也  
獻可替否讚揚德化  
晉百官表注云  
光祿大夫官也

詩云三事大夫莫不夙夜職掌言  
議毗亮論道獻可替否贊揚德化  
存問耆老延登賢俊

續漢書百  
官志云云  
出則奉車  
漢書霍光為光祿大夫出則奉車  
入侍左右出入禁闥二十餘年小

心謹慎未嘗有  
過甚見親信  
出則駟乘  
漢書金日磾為光祿大夫既  
親近未嘗有過失上甚信愛

之賞賜累千金出則參乘入侍左右貴戚多竊怨  
曰陛下妄得一胡兒反貴重之上聞愈厚焉補  
出入

廬兒傳呼  
漢書云杜陵王仲翁為光祿大  
夫出入蒼頭廬兒傳呼甚寵  
致仕門施行

馬魏志云黃初四年楊彪為光祿大夫詔給吏卒門施行馬晉紀云致仕多遜位者給牀帳褥席賜錢二十

萬給吏卒門施行馬谷永才能徵拜漢書谷永待詔公車為上第

能實最高由是擢為光祿大夫永奏書謝鳳曰永斗筭之才質薄學朽無一日之雅左右之介將軍說其狂言

擢之皂衣之吏廁之爭臣之末案永於經書汎為疏達與杜欽杜鄴畧等不能洽浹如劉向父子及揚雄也

其於天官京氏易最密故善言災異前後所上四十餘事畧相反覆專攻上身與後宮而已黨於王氏上亦知

之不甚親信也補陳宮文武擢拜會稽典錄上見天下郡郎制曰文左武右陳宮乃正中立

上問此何郡郎對曰有文有武未知所如又問何施鼂答曰文為顏氏春秋武為孫吳兵法上擢拜大夫

錯高第乃遷漢書晁錯對策當時有百餘人唯錯為高第乃遷中大夫周堪領尚書

漢書周堪與孔霸俱事大夏侯勝霸為博士堪譯官令  
論於石渠經為最高後為太子少傅而孔霸以太中大  
夫授太子及元帝即位堪為光祿  
大夫與蕭望之並領尚書事補  
鄧晨監諸將後漢書  
云光武嘗與兄伯升及晨俱之宛與穰人蔡少公等讌  
語少公頗學圖讖言劉秀當為天子或曰是國師公劉  
秀乎光武戲曰何用知非僕耶坐者皆大笑晨心獨喜  
建武三年徵晨還京師數讌見說故舊平生為歡晨從  
容謂帝曰僕竟辦之帝大笑從幸章陵拜光祿大夫使  
持節監執金吾賈復等擊平邵陵新息賊補案東觀漢  
記曰晨與上共載出逢使者不下車使者怒頗加恥辱  
上稱江夏卒史晨更名侯家承使者以其詐將至亭欲  
罪之新野宰潘  
叔為請得免附  
常惠勤勞漢書常惠傳云少時家貧自  
奴并見拘畱十餘年昭帝時乃還  
漢嘉其勤勞拜為光祿大夫也  
樊宏謙卑華嶠漢書  
云樊宏為

光祿大夫位特進宏為魯芝清約晉錄云光祿大夫魯芝清約儉嗇上賜絹

三百匹案晉書曰武帝以芝清忠履正素無居宅使

軍兵為作屋五十間時羊祜為車騎將軍乃以位讓芝

曰光祿大夫魯芝潔身寡欲和而不同服事華髮以禮

終始未蒙此選臣更越之以塞天下之望上不從其

為人所重兒寬語經學漢書兒寬以侍御史見上語經

如是補學上悅之問尚書一篇擢為中

大夫房鳳明經漢書王根薦房鳳明經蔡義說詩漢書

也傳云詔求能為韓詩者徵義待詔久不進見義上疏曰

臣山東草萊之人行能無所比容貌不及衆然而不棄

人倫者竊以聞道於先師自托於經術也願賜清閒之

燕得盡精思於前上召見義說詩甚說之擢為光祿大

夫給事中荀邃善論荀氏家傳云邃字道明論辯便宜太

中補善談論還光祿大夫

論辯便宜太

臣數屈

漢書嚴助傳云舉賢良對策百餘人武帝善助對由是獨擢助為中大夫因言國家便宜今助

與大臣辯論中外相應以義時訪大議據經以對蜀志

理之文大臣數詘尤親幸焉時訪大議據經以對譙周

遷光祿大夫位亞九列周雖不與政事以儒行見禮時

訪大議輒據經以對而後生好事者亦各問所疑焉案

本傳主父言世務漢書主父偃上書言世務書奏上召

不載主父言世務見謂曰公皆安在何相見之晚也乃

遷為郎中偃數上書言事遷謁者中郎中大夫歲中四

遷補案班固贊曰世稱公孫弘排主父張湯陷嚴助石

顯詣捐之察其行迹主父求欲鼎亨而得族嚴賈出

入禁門招權利死皆其所也亦何排陷之恨哉附吾

邱對寶鼎漢書吾邱壽王傳云壽王為光祿大夫汾陰

得寶鼎武帝嘉之薦見宗廟藏於甘泉宮羣

臣皆上壽賀曰陛下得周鼎壽王獨曰非周鼎上聞之

召而問之曰今朕得周鼎羣臣皆以為然壽王獨以為

非何也有說則可無說則死壽王對曰臣安敢無說臣聞周德始乎后稷長於公劉大於太王成於文武顯於周公德澤上昭天下漏泉無所不通上天報應鼎為周出故名曰周鼎今漢自高祖繼周亦昭德顯行布恩施惠六合和同至於陛下恢廓祖業功德愈盛天瑞並至珍祥畢見昔秦始皇親出鼎於彭城而不能得天祚有德而寶鼎自出此天之所以言楚詞武帝甚悅漢書朱與漢迺漢寶非周寶也補

言楚詞武帝甚悅之拜為中大夫舉賢良武帝嘉之漢書

董仲舒傳云武帝即位舉賢良文學之士前後百數而仲舒以賢良對策焉制曰朕欲聞大道之要至論之極

今子大夫褒然為灌嬰數力戰漢書灌嬰數力戰拜為舉首朕甚嘉之補中大夫案嬰西收軍

於滎陽楚騎來衆漢王乃擇軍中可為騎將者皆推故秦騎士重泉人李必駱甲習騎兵今為校尉可為騎將

漢王欲拜之必甲曰臣故秦民恐軍不信臣願得大王左右善騎者傅之嬰雖少然數力戰迺嬰為中大

夫令李必駱甲為左右校尉將郎中騎兵擊楚騎於滎陽東大破之補

王延世河決塞堤

漢書溝洫志云河隄使者王延世以竹落長四丈大九圍盛以小石兩船夾載而下之三十六日河堤成上曰

東郡河決流漂二州校尉延世隄防三旬立塞其以五年為河平元年辛治河者為著外繇六月惟延世長於計策功費約省用力日寡朕甚嘉之其以延世為光祿大夫秩中二千石賜爵關內侯黃金百觔補案華陽國志云延世字長叔

徐目為五原築障

漢書匈奴傳云太初三年匈奴傳云太

于立漢使光祿徐目出五原塞數百里遠者千里築城障列亭至盧胸補

案師古曰盧胸山名也胸音劬附

長公當輿前諫

漢書夏侯勝字長公為光祿大夫時昌邑王嗣立數出勝當乘輿前諫曰天久

陰而不雨臣下有謀上者陛下出欲子橫當車斷鞅後

何之王怒謂勝為妖言縛以屬吏也

書郭憲字子橫為光祿大夫帝欲到三輔憲諫曰天下

未定車駕未可以動憲乃當車拔佩刀以斷車鞅帝不

從遂上隴其後潁川兵起乃回駕而還帝嘆曰悔不用

子橫之言乃召百僚延議憲以為天下疲弊不宜動衆

諫爭不合乃伏地稱眩瞽不復言帝令兩郎扶下殿汲

憲亦不拜帝曰常聞關東觥觥郭子橫竟不虛也補汲

黯數切諫漢書汲黯召為中大夫以數切諫不得久留

內遷為東海太守案黯學黃老言治官民

好清靜擇丞史任之責大指而已不細苛黯多病卧閣

內不出歲餘東海大治稱之上聞召為主爵都尉補

張湛數正諫東觀漢記張湛為樊英委榮為光祿大夫

樊英別傳詔書告南陽太守曰五官中郎將樊英委榮

辭祿不降其節今以英為光祿大夫賜歸家所在縣穀

千斛以八月致常林告老為光祿大夫魏志常林時論

牛一頭酒三斛疾篤拜光祿大夫也卞壺乞解拜光祿大夫晉書卞

儉素居甚貧約息當婚詔特賜錢五十萬固辭不受後

患面創累乞解職拜光祿大夫加散騎常侍補案時庾

亮將徵蘇峻言于朝曰峻狼子野心終必為亂今日徵

之縱不順命為禍猶淺若復經年為惡滋蔓不可復制

此是鼂錯勸漢景帝早削七國事也當時議者無以易

之壺固爭謂亮曰峻擁強兵多藏無賴且逼近京邑路

不終朝一旦有變易為蹉跌宜深思遠慮恐未可倉卒

亮不納後峻果稱兵壺與諸軍距擊不能禁賊放火燒

宮寺六軍敗績壺時發背瘡猶未合力疾而戰率厲

散眾及左右吏數百人攻賊麾下苦戰遂死之附

# 太中大夫

朝賀待以師禮

謝漢書陳囂字子公拜太中大夫年七十每朝賀帝待以師傳之禮賜几杖入

朝不趨贊

致仕秩與卿同

晉書華表遷太常卿數歲以老病乞骸骨詔曰表清貞履

事不名素有老成之美久幹王事靜恭匪懈而以疾固辭章表懇至今聽如所上以為大中大夫賜錢二十萬牀帳褥

席賜與卿同門施行馬表以苦節垂名司徒李膺司隸王宏等並歎美表清澹退靜以為不可得貴賤而親疏

也田豫食卿祿

魏書田豫為衛尉屢乞遜位太傅司馬宣王以為豫克壯書喻未聽豫書答曰

年過七十而以居位譬猶鐘鳴漏盡而夜行不休

袁奧

從卿例

晉錄云太中大夫新蔡男袁奧數存問

東觀漢記張湛

為太中大夫居中東門侯舍故時數引見

後漢張純為人號曰中東門君帝數存問賞賜數引見太中大夫在

朝歷世明習故事建武初舊章多闕每有疑議輒以訪純自郊廟婚冠喪紀禮儀多所正定帝甚重之以純兼

虎賁中郎將數被引文帝悅賈誼漢書賈誼年二十餘見一日或至數四補文帝悅賈誼最爲少每詔令議下

諸老先生未能言誼盡爲之對人人各如其意所出朝諸生于是以爲能文帝悅之超遷歲中至太中大夫

廷訪鄭興續漢書鄭興爲太中大夫數上便宜多見用朝廷每有文議輒訪焉其論說依經守正衆

莫能屈也召見宣室對政事得失漢書王嘉爲長陵尉鴻嘉中舉敦朴能直言召見宣

室對政事得失超遷太中大夫案嘉出爲九江河南太守治甚有聲徵入爲大鴻臚徙京兆尹遷御史大夫

建平三年代平當爲丞相封新甫侯加食邑千一百戶嘉爲人剛直嚴毅有威重上甚敬之補徵詣明

堂問治亂事漢書云武帝初即位王臧乃上書宿衛累遷一歲至郎中令及代趙綰亦嘗受詩申

公為御史大夫綰臧請立明堂以朝諸侯不能就其事乃言師申公於是上使使束帛加璧安車以蒲裹輪駕駟迎申公弟子二人乘軺傳從至見上上問治亂之事申公時已八十餘老對曰為治者不在多言顧力行何如耳是時上方好文辭見申公對默然然已招致即以為太中大夫補說詩高祖之前書

陸賈拜太中大夫賈時時前說稱詩書高帝罵之曰乃公居馬上得之安事詩書賈曰馬上得之寧可以馬上治之乎且湯武逆取而以順守之文武並用長久之術也侍講華光之內後漢書云

三郡溫仁多恕靈帝初徵拜太中大夫侍講華光殿補案洛陽宮殿簿云華光殿在華林園內附賜牀

帷臧崇續晉書爰郡字文伯老乞骸骨詔聽如所上給拜太中大夫賜錢三十萬牀帷薦褥祿賜與卿同給

安車魏志管寧為太中大夫明帝下詔曰寧抱道懷真潛翳海隅比下徵書違命不至不惟古人亦有翻

然改節以隆斯民乎日逝月除時方已過澡身浴德將以曷為其命別駕從事郡丞掾奉詔以禮發遣寧詣行在所給安車吏從茵蓐道上厨食上道先奏補案傅子云司空陳羣薦寧曰臣聞王者顯善以消惡故湯舉伊尹不仁者遠伏見徵士北海管寧行為世表學任人師清儉足以激濁貞正足以矯時前雖徵命禮未優備昔司空荀爽家拜光祿先儒鄭玄即授司空農若加備禮庶必可致附

### 定官名興禮樂

漢書賈誼

遷太中大夫誼奏以為漢興二十餘年天下和洽宜當改正朔易服色制度定官名興禮樂乃草具其儀法行風俗多所舉稱

漢書蓋寬饒為太中大夫使行在朝風俗多所稱舉

廷數上便宜

續漢書梁統拜太中大夫在朝廷數陳便宜以為法令既輕下姦不勝宜重刑罰以

遵舊典使南越尉佗稱臣

漢書陸賈名有口辯常使諸侯時中國初定尉佗平南越因王

之高祖使賈賜佗印為南越王賈至尉佗魑結箕踞見賈賈因說佗佗蹶然起坐謝賈曰居蠻夷中久殊失禮義因問賈曰我孰與蕭何曾參韓信賈曰王似賢也復問曰我孰與皇帝賈曰皇帝起豐沛討暴秦誅強楚自天地剖判未始有也今王衆不過數萬皆蠻夷崎嶇山海間譬如漢一郡王何乃比于漢佗大笑曰吾不起中國故王此使我居中國何遽不若漢迺大說賈留與飲數月曰越中無足與語至生來令我日聞所不聞賈卒令佗稱臣奉漢約歸報高

會東郡盜賊請降

續漢

帝大說拜賈為太中大夫補

以威信著於衛地遣使拜太中大夫使與大兵會東郡東郡聞純入界盜賊九千餘人皆詣純降大兵不戰而還橋玄謙儉下士

張璠漢記云橋玄拜太中大夫謙儉下士子弟親宗無在大官者及卒家

無餘業喪無所殯當時稱之

韓暨志節高潔

魏志韓暨傳云明帝景初二年詔曰太中大夫

韓暨澡身浴德志節高潔年踰八十曼倩教弄公卿漢  
守道彌固可謂純篤老而益劭者也  
東方朔字曼倩為太中大夫給事中觀察顏色直言切  
諫上常用之自公卿在位朔皆教弄無所為屈上以朔  
口諧辭給好作問之案時隆慮公主子昭平君尚帝  
女夷安公主隆慮主病困為昭平君豫贖死罪上許之昭  
平君日驕醉殺主傅獄繫內官廷尉上請請論上可其  
奏哀不能自止左右盡悲朔前上壽曰臣聞聖王為政  
賞不避仇誅不擇骨肉陛下行之天下幸甚臣朔奉觴  
昧死再拜上萬歲壽上乃起入省中夕時召讓朔曰今  
先生上壽時乎朔免冠頓首曰銷憂莫若酒臣朔所以  
上壽者明陛下正而不阿因以止哀也先是朔嘗醉入  
殿中小遺殿上有詔免為文舉愛才樂酒張璠漢記云  
庶人因此對復為中郎補  
拜太中大夫性寬容少忌好士喜誘掖後進及退閒職  
賓客日滿其門愛才樂酒常歎曰坐上客常滿樽中酒

不空吾魯平道藝深明續漢書魯平遷中散大夫賈逵薦平道藝深明時見用復與黃

散大夫數事上善平嵇康風姿清秀晉書嵇康字叔夜

罷朝時賜冠幘衣履早孤有奇才遠邁

不羣身長七尺八寸美詞氣有風儀而土木形骸不自藻飾人以為龍章鳳姿天質自然恬靜寡慾含垢匿瑕

寬簡有大量學不師受博覽無不該通長好老莊與魏宗室婚拜中散大夫補案嵇康傳云王戎自言與康居

山陽二十年未嘗見其喜愠之色康嘗採藥游山澤會其得意忽焉忘反時有樵蘇者遇之咸謂神至汲郡山

中見孫登康從之游登沈默自守無所言說康臨去登曰君性烈而才儻其能免乎附

### 諫議大夫

古之大夫

漢官解詁云世祖中興諫議大夫太中大夫中散大夫光祿大夫此等於古皆為天子下

大夫 大夫最高大 韋昭辨釋名云太史大 何武賢良徵

漢書何武字君公王音舉武賢良方正徵對策拜為諫大夫 紫武拜諫大夫遷揚州刺史所舉奏二千石長

吏必先露章服罪者為虧除免之而 孔光經學舉 漢書

已不服極法奏之抵罪或至死補 孔光經學尤明匡衡舉光 方正為諫議大夫補 虞承不撓 謝漢書虞承拜諫議大

顏諫爭終不曲撓 周舉高亮 續漢書周舉梁商表為從

散祿賑給諸生 對曰臣從事中郎周舉清 言得失 漢書王吉徵諫大夫

慎高亮可任諫議大夫 故事官室車服盛於昭帝時外戚貴重上疏言得失上

以其言迂濶不甚寵異也吉遂謝病歸琅邪補案吉少

時學問居長安東家有大棗樹垂吉庭中吉婦取棗以

之因固請吉令還婦里中為之語曰東家  
有樹王陽婦去東家棗完去婦復還附  
陳讜言謝漢書傳

翻轉諫議大夫天性諒  
直數陳讜言武帝嘉之  
陳宣明洛水必不入楚國先賢

拜諫議大夫建武十年洛水溢出城門校欲築塞之宣  
曰昔周公卜洛以安宗廟為萬世基水蓋不入城門今

數為災異人主之過不可解塞之無益昔王尊尚修  
已以禳災况朝廷乎固知水必不入言絕而水退也陳

禪諫人不宜設  
謝後漢陳禪拜諫議大夫永寧元年西

解易牛馬頭明年元會作之於庭安帝嘗與羣臣共觀  
大奇之禪獨離席舉手大言曰昔齊魯為夾谷之會齊

作侏儒之樂仲尼誅之帝王之庭不宜設夷狄之技尚  
書陳忠劾奏禪曰昔合歡之樂舞於堂四夷之樂陳於

門今揮國越流沙踰縣度萬里貢獻非鄭衛之聲佞人  
之比而禪廷訕朝政請劾禪下獄有詔勿收左轉為左

菟候城障尉也案揮音徒丹反縣度者山名也谿谷不通以繩索相引而度去陽關五千八百八十里候城縣

在遼東補天子納其善言漢書貢禹傳云元帝徵禹為諫議大夫數虛已問以政事是時年穀

不登禹奏言宮室制度宜好事從其遊學漢書揚雄以從儉省天子納其善言

為大夫以病免復召為諫議大夫家素貧嗜酒人希至其門時有好事者載酒肴從游學而鉅鹿侯芭常從雄

居受其太玄法言焉劉歆亦嘗觀之謂雄曰空自苦今學者有祿利然尚不能明易又如玄何吾恐後人用覆

醬甌也補案雄少好學不為章句訓詁通而已博覽無所不見為人簡易佚蕩口吃不能劇談默而好深湛之

思清靜亡為少嗜欲不修廉隅以微名當世謙遜接人

家產不過十金乏無儋石之儲晏如也附謙遜接人漢書韋玄成以父任為郎常侍騎少好學修父業尤謙遜下士出遇知識步行輒下從者與載送之以為常其

接人貧賤者益加敬由是名譽日廣以明經擢為諫議大夫案玄成永光中代于定國為丞相貶黜十年之

間遂繼父相位封侯故國榮當世焉玄成為質樸守正相七年守正持重不及父賢而文采過之補

漢書夏侯勝為諫大夫給事中乘車出關東觀漢記郭勝為人質樸守正簡易亡威儀

買符入函谷關乃慨然而歎曰丹不乘使者車不出此關既至京師嘗為都講更始二年為諫議大夫持節歸

南陽自去家十有三安集關西後漢書鄭興更始立拜年果乘高車出關

西從遊為歌漢書王褒傳云上令褒與張子僑等並待詔數從褒等放獵所幸宮館輒為歌頌第

其高下以差賜帛議者多以為淫靡不急上曰辭賦大者與古詩同義小者辯麗可喜辟如女工有綺縠音樂

有鄭衛今世俗猶皆以此虞說耳目辭賦比之尚有仁義風諭鳥獸草木多聞之觀賢於倡優博奕遠矣頃之

擢為諫大夫

補召入作賦

華陽國志云李尤字伯任賈逵薦尤有揚雄之才明帝召入作東觀碑雍

德陽諸觀賦銘遂拜諫議大夫案李尤傳云尤為諫議大夫受詔與謁者僕射劉珍等俱撰漢記後帝廢太子

為濟陰王尤上書諫爭順帝立遷樂安相補

人希至門

漢書揚雄見上

寄止靈臺

三

決錄云第五頡為諫議大夫洛陽無主人鄉里無田宅寄止靈臺中或十日不炊

王吉病歸

漢書

王吉見上江革告歸

謝漢書江革轉諫議大夫賜告歸因謝病稱篤元和天子思革至行制誥齊

相曰諫議大夫江革前以病歸今起居何如使縣以見穀十斛賜巨孝常以八月長吏存問致羊酒以終厥身

如有不幸祠以中牢由繫掖庭獄漢書劉輔舉孝廉為是巨孝之稱行於天下繫掖庭獄襄賁令上書言得失

召見上美其才擢為諫大夫會成帝欲立趙婕妤為皇后輔上疏曰腐木不可以為柱卑人不可以為主臣得

以同姓拔擢尸祿不忠汚辱諫爭之官不敢不盡死繫  
唯陛下深察書奏上使御史收縛繫掖庭祕獄也繫

北寺獄

後漢書劉陶拜諫議大夫是時天下日危寇賊  
方熾陶憂致崩亂疏陳八事大較言天下大亂

皆由宦官宦官事急共譏陶曰前張角事發詔書示以  
威恩自此以來各各改悔今者四方安靜而陶疾害聖  
政專言妖孽州郡不上陶何緣知疑陶與賊通情于是  
收陶下黃門北寺獄掠按日急陶自知必死對使者曰  
朝廷前對臣云何今反受邪譖恨不與伊呂同儔而以  
三仁為輩遂閉氣而死天下莫不痛之陶著書數十萬  
言又作七曜論匡老子反韓非復孟軻及上書  
言當世便事條教賦奏書記辯疑凡百餘篇補

議郎

議郎秦官

漢舊儀云議郎中郎秦官也議郎秩比六百  
石特徵賢良方正敦樸有道第公府掾試博

士者拜郎中也秩比六百石漢舊儀云議郎十二人秩比六百石不屬署不直事侍御史遷補博

士諸侯王郎中令吳良考試為議郎後漢書吳良傳云東平王蒼上疏薦良顯宗以示公

卿曰前以事見良鬚髮皓然衣冠甚偉夫薦賢助國宰相之職蕭何舉韓信設壇而拜不復考試今以良為議

郎補蘇章高第為議郎後漢書蘇章少博學能屬文安帝時舉賢良方正對策高第為議郎

甄宇以儒學拜東觀記甄宇以儒學拜議郎張承以方正拜魏志張承少知

名以方正孔光明經學漢書孔光經學尤明召馴能講拜議郎

論東觀漢記云召馴以志義聞鄉里號之曰德行令說恂恂召伯春以明經有志行能講論拜議郎

尚書續漢書桓榮少學長安習歐陽尚書上召榮令說尚書甚善之拜為議郎賜錢十萬入使授太子每

朝會輒令榮于公卿前敷奏

使祠陵廟

益部耆舊傳云李尤字伯仁為

經書帝稱善曰得生幾晚

議郎安帝寢疾使尤祠陵廟肅

德行高妙

東觀漢記黃

慎齊潔辭祝俱美上疾有瘳也

妙公車徵

篤行清苦謝後漢書石苞為諸生

拜議郎篤行清苦徵拜議郎劉淑諸儒

之表

謝後漢書劉淑舉賢良方正對策十

趙享質稟純

粹

晉起居注太康中詔曰議郎趙享質稟純粹思議

### 童子郎

謝廉通經

後漢書左雄奏徵海內名儒為博士使公卿

廉河南趙建年始十二各能通經雄並伯達試經魏志

奏拜童子郎於是負書來學雲集京師

朗字伯達年十二試經為童子郎監試者以其身體壯大疑朗匿年劾問朗曰朗之內外累世長大朗雖褊弱無仰高之風損年以求早成非志所為也監試者異之紫朗年九歲人有道其父字者朗曰慢人親者不敬其親者也附委貌冠都布衣續漢書百官志云輜車拂挽客謝之附委貌冠都布衣為公卿子弟六卿十人挽兩邊白素幘委貌冠都布衣也六品子弟晉要事云咸康七年尚書僕射諸葛恢奏恭皇后今當山陵依舊公卿六品清官子弟為挽郎非古一時之秀世也豈有牽曳國士為之役夫請悉罷之云徐育長甚有令名武帝崩選百廿挽郎皆一時之秀育長亦在其百中也

## 士

無生得貴由士而起白虎通云王者太子亦稱士何舉從下升以為人無生得貴者莫不

由士起是以舜時稱為天子必先試于士故士冠禮云天子之元子猶士也案士冠禮鄭注曰元子世子也

無生而貴皆由下升賈疏曰天子之元子雖四加與十二而冠其行事猶依士禮也故云猶士也元子尚不得生而貴則天下之人補通古今辨然否白虎通云通古今亦無生而貴者也

能治上官

周書云人生成人能治上官謂之士人

使不辱命

論語云

北堂書鈔卷五十六

欽定四庫全書

北堂書鈔卷五十七

唐 虞世南 撰

明 陳禹謨 補註

設官部九

中書總

中書監

中書令

中書侍郎

中書舍人

祕書總

祕書監

祕書丞

祕書郎

著書郎

著作總

著作郎

中書總

領尚書事

漢官儀云漢舊置中書官領尚書事案漢書百官公卿表云少府屬官有中書謁者黃

門鉤盾尚方御府永巷內者宦者八官掌尚書事漢書百官

令丞諸僕射署長中黃門皆屬焉附公卿表云孝武帝遊宴後宮以宦者掌尚書事改中書謁者令置僕射凡宦者之職皆曰中成帝建始四年更

名中書謁者令掌機密漢舊儀云中書掌詔掌內事環濟

為中謁者令

詔荅表皆機密之事

要畧云中書掌內事密下  
州郡及邊將不由尚書  
非良才何可斯任溫嶠上疏云中書之

職酬對無方斟酌輕重宜唯文疏而已自非望士良才  
何可妄居斯任累辭得止案嶠拜侍中機密大謀皆

所叅綜詔命文翰亦悉豫焉俄轉中書令嶠有棟梁之  
任帝親而倚之甚為王敦所忌因請為左司馬敦阻兵

不朝多行陵縱嶠諫不納於是謬為設敬綜其府事干  
說密謀以附其欲深結錢鳳為之聲譽嶠乃具奏敦之

逆謀請先非輕才所可獨任王獻之啓琅邪文孝王為  
為之備補中書監表云中書重職掌

詔命當否是寄故非輕才所可獨任也案會稽文孝  
王道子少以清澹為謝安所稱年十歲封琅邪王安帝

踐祚有司奏道子宜進位太傅揚州牧中書監假黃鉞  
備殊禮固辭不拜補史臣曰道子地則親賢任惟元輔

耽荒翹葉信惑讒諛遂使尼媼竊朝權姦邪制國命  
始則彝倫攸斁終則宗社淪亡實晉朝之宰話也附

# 中書監

監令同車

晉書和嶠遷中書令帝深器遇之舊監令共車入朝時荀勗為監嶠鄙勗為人以意氣加

之每同乘高抗專車而坐乃使監令異車自嶠始也補案嶠少有風格慕舅夏侯玄之為人厚自崇重有盛名于世朝野許其能整風俗理人倫庾顗見而歎曰嶠森森如千丈松雖礫硤多節目施之大厦有棟梁之用附

宰相叅領

王獻之啓琅邪王中書監表云中書職掌詔命自大晉建國常令宰相叅領中興以來益

重其任故王言彌徽德音四塞也

機密之要宜得其才

王隱晉書張華字茂先為中書

令永熙元年詔曰華前任中書有思謀之勤機密之要宜得其才以華為中書監加侍中案張華傳云華遷長史加中書郎朝議表奏多見施用遂即真晉受禪拜黃門侍郎華強記默識四海之內若指諸掌武帝嘗問

漢宮室制度及建章千門萬戶華應對如流聽者忘倦  
畫地成圖左右屬目帝甚異之時人比之子產數歲拜  
中書令後加**當否是寄故非輕才**王獻之**加典著作又**  
散騎常侍補

**定律令**

晉書荀勗拜中書監加侍中領著作與賈充共  
定律令克將鎮關右勗謂馮統曰賈公遠放吾

等失勢太子婚尚未定若使克女得為妃則不畱而自  
停矣勗與統同帝間並稱克女才色絕世遂成婚當時  
甚為正直者所疾而**事多不泄子弟管之**傅暢晉贊云  
獲佞媚之譏焉補

為中書監時戎事多不泄廩年老病風令其子蒼草詔  
先時荀勗為監末年亦使息但書詔草前後相承以子  
弟管**荀勗從遷發恚**王導表云乞得除中書監專壹所  
之司竭誠保傳惟力是視詔曰昔荀

公曾從中書監遷尚書令人賀之乃發恚云奪  
我鳳凰池卿諸人賀我耶願足下處之勿疑**庾亮以**

姻婭之嫌

晉書庾亮傳云亮為中書監上疏曰臣領中書則示天下以私矣何者臣於陛下后之兄

也姻婭之嫌與骨肉中表不同雖太上至公聖德無私然世之喪道有自來矣悠悠六合皆私其姻人皆有私則天下無公矣

### 中書令

處機近

晉中興書云王珉遷中書令詔曰新除侍中王珉才學廣贍理識清通宜處機近以參時務其

以珉為長兼中書令案珉少有才藝善行書名出珣右時人為之語曰法護非不佳僧彌難為兄僧彌珉小字也時有外國沙門名提婆妙解法理為珣兄弟講毘曇經珉時尚幼講未半便云已解既于別室與沙門法綱等數人自講法綱歎曰大義皆是但小未精耳後代王獻之為長兼中書令二人素齊名世謂獻之為大令

珉為小  
掌機管

王洽集辭中書令表云竊以中書職掌  
機管有由來矣漢武之世始建此職歷

代時宜置廢遂重武帝朝荀勗張  
華並為其任中興以來宰相居也

俱處機密

晉諸公贊  
曰裴楷為

中書令加侍中與光祿大夫張華俱處機密楷有時望  
而華獨開府時皆責之華不敢受尋進楷開府也

案

楷性寬厚與物無忤不持儉素每遊榮貴輒取其珍玩  
雖車馬器服宿昔之間便以施諸窮乏嘗營別宅其從

兄衍見而悅之即以宅與衍梁趙二王國之近屬貴重  
當時楷歲請二國租錢百萬以散親族人或譏之楷曰

損有餘以補不足天之道也安所毀譽其行已任率皆  
此類也後與張華王戎並管機要楷有渴利疾不樂處

勢王渾為楷請不聽詔遣黃門郎王衍省疾  
楷回眸矚之曰竟未相識衍歎其神偶補

宜居機密

晉陽秋云溫嶠字太真太寧初手詔曰卿既以令望中  
允之懷著於周旋且文清而旨遠宜居機密今以卿為

中書職居顯要

臧榮緒晉書云潘尼字正叔為中書令三王戰爭皇家多故尼職居顯要從容

而已雖憂虞不及而備嘗艱難案尼少有清才與岳俱以文章見知性靜退不競唯以勤學著述為事著安

身論以明

便居顯要

晉陽秋云王洽為中書令兄胡之所守補再遣之書云弟今二十九便居清

顯要任敢不敬以先旨為弟啓義讓之畧也

酬對無方

溫嶠疏見前

任國大事

晉陽

秋云王洽拜領軍尋加中書令固讓表疏上上穆帝詔曰敬和清裁貴令昔為中書郎吾時尚小數呼見意甚親之今所以用為令既機任須才且欲時時相見共講文章待以友臣之義宜便任國之大事耶宜催洽令拜固讓遂尊寵任職

漢書司馬遷被刑之後為中書令尊寵任職

貴幸傾朝

漢書

佞倖傳云石顯濟南人弘恭沛人也皆少坐法腐刑為中黃門以選為中尚書宣帝時任中書官恭明習法令

故事善為請奏能稱其職恭為令顯為僕射元帝即位數年恭死顯代為中書令貴幸傾朝百僚皆敬事顯

**奕世令望**

晉陽秋云王珉為中書令父洽嘗為此官時人以為奕世令望

**一時之美**

劉謙之晉記云中書令王獻之卒贈太常以侍中王珉代之皆一時之美也

**風流之冠**

晉陽秋云

王獻之為中書令獻之少而標邁不循常貫為一時風流之冠也案獻之年數歲嘗觀門生擣蒲曰南風不競門生曰此郎亦管中窺豹時見一斑獻之怒曰遠慙荀奉倩近愧劉真長遂拂衣而去嘗與兄徽之操之俱詣謝安二兄多言俗事獻之寒溫而已既出客問安王氏兄弟優劣安曰小者佳客問其故安曰吉人之辭寡以其少言故知之嘗與徽之共在一室忽然火發徽之遽走取履獻之神色恬然徐呼左右扶出夜臥齋中而有偷人入其室盜物都盡獻之徐曰偷兒閑於時事薛青璉我家舊物可特置之羣偷驚走補

條列吳事云胡冲意性調美心趣解暢有刀筆閑於時事為中書令雖不能匡矯亦自守不苟求容媚情度淹粹  
**清雅正事**  
王敦集表云中書令領軍庾亮  
**講論文章**  
清雅正事中書監領軍如故

晉陽秋云  
王洽見上

### 中書侍郎

**掌詔書**

魏志黃初中改秘書始  
置通事郎掌詔草也

**掌密詔**

環濟要畧云中  
書掌宮內密詔

有令僕射丞郎  
謂西漢時也

**職典禁闈**

曹毗集中王祖詠云入管中  
書職典禁闈藻蔚華幄芳逸

雲霧  
**專掌西省**

晉中興書云范甯為臨淮太守徵拜中  
書侍郎專掌西省以職在機近固辭不

許  
**案甯在職多所獻替有益政道時更營新廟博求  
辟雍明堂之制甯據經傳奏上皆有典證孝武帝雅好**

文學甚被親愛朝廷疑議輒諮訪之甯指斥朝士直言無諱王國寶甯之甥也以諂媚事會稽王道子懼為甯所不容乃相驅扇因被疎隔補張華掌書疏張華別傳云大駕征鍾會

文帝孔演悉舊典

晉中興書曰孔演與庾亮俱補中書侍郎于時中興肇建庶事草創演經

學博通又練悉舊典朝儀軌制多取正焉元明二帝親愛之

華簡以文藻遷

王隱晉書華簡

有智器文藻遷中書郎

陸機以文學轉

王隱晉書陸機以文學轉中書

詔命所出

筆札見之

陸機集序云機與吳王表云臣以職在中書詔命所出臣以筆札見之

案機傳云趙王

倫將篡位以機為中書郎倫之誅也齊王冏以機職在中書九錫文及禪詔疑機與焉遂收機等九人付廷尉賴成都王穎吳王晏並救理之時中國多難顧榮戴若思等咸勸機還吳機負其才望而志匡世難故不從冏

既矜功自伐受爵不讓機

惡之作豪士賦以刺焉

書檄雲集初不立草

含為中書郎書檄

奏議衆文多所施行

張華別傳云大

雲集初不立草

中書郎奏議衆

大事及議多見施行

文多所施行

及疑議輒參以經

論釋多見稱述

東宮其所論釋多見稱述與溫嶠俱為太子布衣之好

時帝方任刑法以韓子賜皇太子亮諫以申韓刻薄傷

化不足留聖心太子甚納焉累遷給事中黃門侍郎散

騎常侍時王敦在蕪湖帝使亮詣敦籌事敦與亮談論

不覺改席而前退而歎曰庾元規賢於裴頠遠矣因表為中領軍明帝即位以為中書監補朝廷多

取正焉

晉中興書

孔演見上

王濟少有逸才

晉書云王濟少有逸

時好弓馬勇力絕人善易及莊老文詞秀茂伎藝過人  
有名當世與姊夫和嶠及裴楷齊名尚常山公主年二  
十起家拜中書郎補掾是時洛京地甚貴濟買地為馬  
埽編錢焉之時人謂為金溝王愷以帝舅奢豪有牛名  
八百里馬常瑩其蹄角濟請以錢千萬與牛對射而賭  
之愷亦自恃其能令濟先射一發破的因據胡牀叱左  
右速探牛心來須臾而至一割便去濟善解馬性嘗乘  
一馬著進乾鄴泥前有水終不肯渡濟云此必是惜鄴  
泥使人解去便渡故裴潛風神高邁沈約晉書云裴潛  
杜預謂濟有馬癖附裴潛風神高邁以風神高邁為中  
書郎出禁門見韓暨有至行魏志云明帝詔舉中書  
者皆肅然改容韓暨有至行郎吏部尚書盧毓曰得  
其人與否在盧生耳毓王濟有文章晉起居注云武帝  
舉韓暨有至行帝用之王濟有文章詔曰駙馬都尉王  
濟忠篤好學問有文章孔演二帝親愛晉中興書王濛  
器幹其以為中書侍郎孔演見上王濛

四年無對

王濛別傳云濛為中書郎四年無對又遷為司徒左長史少選四人年頻滿以濛難以此

肩故也

案濛與沛國劉惔齊名友善惔嘗稱濛性至

通而自然

有節濛每云劉君知我勝我自知後濛為司徒

左西屬濛以此職有譴則應受杖固辭詔為停罰猶

不就從中書郎簡文帝之為會稽王也嘗與孫綽商畧

諸風流人綽言曰劉侯清蔚簡令王濛溫潤恬和桓溫

高與盡出謝尚清易令達而濛性和暢能言理辭簡而

有會及簡文帝輔政益貴幸之與劉惔號為入室之賓

轉司徒左長史晚求為東陽不許及濛病乃恨不用之

濛聞之曰人言會躍鱗龍鳳池揮翰紫宸裏

楷王凝竟瘕也補躍鱗龍鳳池揮翰紫宸裏

大方信苞容優渥遂不以藻蔚華幄芳逸雲霧

躍鱗龍鳳池揮翰紫宸裏

中書舍人

曹毗見上

卡伯玉起中書詩云

舍人古官

環濟要畧云舍人古官也掌宮中之政出廩分財

樊周並為

史記云高祖起

豐沛樊噲周勃並為舍人也

對掌文法

荀勗集云晉武帝時門下啟令史伊義趙咸為中書舍人

對掌文法勗奏為不可

出納書命

晉中興書云劉超遷中書舍人時臺省初建內外多事超出納

書命以忠慎稱撰正音訓晉中興書云徐邈以東州儒素少好學尤善經傳烈宗始覽典籍招延禮

樂之士後將軍謝安舉邈應選補中書舍人在西省撰正五經音訓學者宗之

### 秘書總

秘府謂秘書

漢書藝文志云漢興改秦之敗大收篇籍廣開獻書之路迄孝武世書缺簡脫禮壞

樂崩于是建藏書之策置寫書之官下及諸子傳說皆充秘府至成帝時以書頗散亡使謁者陳農求遺書于

天下詔光祿大夫劉向校經傳諸子詩賦步兵校尉任宏校兵書太史令尹咸校數術侍醫李柱國校方技每一書已向輒條其篇目撮其旨意錄而奏之會向卒哀帝復使向子侍中奉車都尉歆卒父業歆于是總羣書而奏其七畧故有輯畧有六藝畧有諸子畧有詩賦畧有兵書畧有術數畧有方技畧補案劉歆七畧云外則有太常太史博士之藏內則秘書為內閣薛夏太祖召有延閣廣內秘室之府附秘書為內閣薛夏太祖召之為秘書丞博學有才太祖每呼之不名曰薛君嘗以事移蘭臺蘭臺自以臺也而秘書署耳謂夏不得移夏報之曰蘭臺為外臺秘書為內閣臺閣一也何儀依御不相移之有蘭臺屈無以折自後遂以為常儀依御史王肅論秘書表云武帝初置秘書儀依御史臺文帝屢有優詔丞郎之選比黃門郎秘書經遷中書不宜與他官為職為近密王肅表詳綜經籍晉起居注云惠連者也見下文

帝永平元年詔

曰秘書綜理經籍考校古今課試署吏有四百人宜專其事

**崇儒術**

王肅表云臣愚以為秘書職于

三臺上為近密中書郎在尚書丞郎上秘書丞郎宜次尚書郎下不然則宜次御史下秘書丞郎俱秩中四百

石比尚書郎出亦然則宜為郡階下崇儒術也

**典圖書**

東觀漢記云桓帝延熹二年初置秘書監掌典

圖書古今文字考

**掌秘書**

王肅論秘書表云昔時秘書掌國秘密

**考合異**

**同**

東觀漢記見上

**考校古今**

晉起居注云見上

## 秘書監

**兼掌國史**

王隱晉書賈謐元康末起為秘書監兼掌國史案謐好學有才思既為充嗣繼佐命之

後又賈后專恣謐權過人主至乃鑠繫黃門侍郎其為威福如此負其驕寵奢侈踰度室宇崇僭器服珍麗歌

童舞女選極一時開閣延賓海內輻輳貴遊豪戚及浮競之徒莫不盡禮待之或著文章稱美謚以方賈誼渤海石崇歐陽建榮陽潘岳吳國陸機陸宣明史籍溫嶠雲等皆傳會於謚號曰二十四友補

崧為秘書監云夫國史之典將以明得失之跡以諷其上記功書過謂之實錄使一代之典煥然可觀今之秘

書著作是宜得文史之才以辨經緯散騎常侍光祿大夫西陵侯崧文質彬彬思義通博歷位先朝莅事以穆

宜掌秘典與宣明史籍臣等參之眾議謂崧可領秘書監案崧志操清純雅好文學齟齬時族曾祖顗見而奇

之以為必興顧門弱冠太原王濟甚相器重以方其外祖陳郡袁侃謂侃弟輿曰近見荀監子清虛明理當不

及父德性純粹是賢兄輩人天文數術皆統之也王隱也其為名流所賞如此補

華嶠為秘書監加散騎常侍班同中書寺為內臺中書散騎著作及治禮音律天文數術南省文章門下撰集

皆典統之案初嶠以漢紀煩穢慨然有改作之意會為臺郎典官制事由是得徧觀秘籍遂就其緒起于光

武終于孝獻嶠以皇后配天作合前史作外戚傳以繼末編非其義也故易為皇后紀以次帝紀又改志為典

以有堯典故也而改名後漢書奏之詔朝臣會議咸幽以嶠文質事核有遷固之規實錄之風藏之秘府補

讚符命因有述焉傳暢晉諸公贊云庾峻自司空長史遷秘書監幽讚符命天文地理因有

述有良史之志晉書華嶠傳云嶠博聞多得文史之才識屬書典實有良史之志

溫嶠表華嶠文學該通王隱晉書華嶠為秘書監詔曰見上亭侯嶠體素弘簡文學該通經

覽古今博荀崧思義通博溫嶠表見上王象撰皇覽魏畧云王象有

才志建安中與同郡荀緯等俱為魏太子所禮待及王粲陳琳阮瑀路粹等亡後新出之中惟象才最高魏有

天下拜象散騎侍郎遷為常侍封列侯受詔撰皇覽使象領秘書監象從延康元年始撰集數歲成藏于秘府合四十餘部有數十篇通合八百餘萬字象既性器加厚又文采溫雅用是京師歸美稱為儒宗補孫

盛著晉陽秋

晉書孫盛遷秘書監盛篤學不倦自少至老手不釋卷著魏氏春秋晉陽秋并造詩

賦論難復數十篇晉陽秋詞直而理正咸稱良史焉既而桓溫見之怒謂盛子曰枋頭誠為失利何至乃如尊君所說若此史遂行自是關君門戶事其子遽拜謝謂請刪改之時盛年老還家性方嚴有執憲雖子孫頌白而庭訓愈峻至此諸子乃共號泣稽顙請為百口切計盛大怒諸子遂私改之盛寫兩定本寄于慕容儼太元中孝武帝博求異聞始于遼東得之以定考校多有不圖書遂兩存補案盛博學善言名理于時殷浩擅名一時與抗論者惟盛而已盛嘗詣浩談論對食奮擲塵尾毛悉落飯中食冷而復暖者數四至暮忘食理竟不定

盛又著醫卜及易象妙于見形論  
浩等竟無以難之由是遂知名附  
荀勗躬自撰次

王隱晉書

云荀勗領秘書監太康二年汲郡冢中得竹書勗躬自撰次吏部注寫以為中經列于秘書經傳闕文多所證

明

孫盛手不釋卷

見上

### 秘書丞

魏文建國置左右丞

魏志云文帝建國分秘書立中書以秘書左丞劉放為中書監秘書

右丞孫資職在三臺上

王肅論秘書表云青龍中議秘書丞郎位次與博士議郎同職

近日月宜啓定四部

晉起居注云秘書丞桓石綏啓校定四部書

選比黃門

王肅論秘位次議郎

王肅論秘書表見上

出宜為郡

王肅表云秘書丞郎俱秩

四百石遷宜比尚書郎出宜為郡

何元幹特詔參秘書丞

虞預晉書何

尚書郎少而好學特詔參秘書本有一丞尚未轉遂以楨為左右丞之置自楨始也

王雅遠起家

為秘書丞

龍安記云王謐字雅遠少有美譽詔令為後進冠冕起家為秘書丞也

薛夏博

學有才

魏畧云薛夏博學有才黃初中為秘書丞上與夏推論書傳未嘗不終日也

嚴苞以

高才

魏畧云嚴苞以高才黃初中入為秘書丞數奏文賦帝異之

嵇紹有文才

山濤

云嵇紹雅有文才又曉音律可為秘書郎帝曰紹既如此便可為丞案紹傳云紹以父得罪靖居私門山濤

領選啓武帝曰康誥有言父子罪不相及嵇紹賢倅卻缺宜加旌命請為秘書郎帝謂濤曰如卿所言乃堪為

丞何但郎也乃發詔徵之起家為秘書丞紹始入洛或謂王戎曰昨於稠人中始見嵇紹昂昂然如野鶴之在

難羣戎曰君復未見其父耳後以天子蒙塵紹承詔馳詣行在所值王師敗績於蕩陰百官及侍衛莫不散走唯紹儼然端冕以身捍衛兵交御輦飛箭雨集紹遂被害於帝側血濺御服天子深哀歎之及事定左右欲浣衣帝曰此穉侍中血勿去補

### 秘書郎

魏武建國置秘書郎

魏志云武帝建國置秘書郎建安末劉邵為秘書郎

秘閣之

吏

魏志王基傳云是時青土初定刺史王凌特表請基為別駕後召為秘書郎凌復請還頃之司徒王朗辟

基凌不遣朗書劾州曰凡家臣之良則升于公輔公臣

之良則入于王職是故古者侯伯有貢士之禮今州取

宿衛之臣留秘書閣

各掌一部

晉太康起居注曰秘書丞桓石綏啓校定四部

之吏所希聞也補

之書詔遣郎中四

正定脫誤

晉官品令云秘書郎掌中

人各掌一部補

定脫刪省舊文

王隱晉書鄭默為秘書郎刪省舊文除其浮穢著魏中經簿中書令虞松謂默

曰而今而後

左太沖專思求秘書郎

王隱晉書左思字太沖專思三都絕

朱紫別矣

人流行事自以為所

劉隗有文翰除秘書郎

起家秘書郎

案隗雅集文史善求人主意帝深鍾會

器遇之遷丞相司直委以刑憲彈奏不畏強禦補

敏惠夙成魏志鍾會敏惠夙成正始中以為秘書郎

足以及知人會年五歲鍾繇遣見濟濟甚異之曰非常人也及壯有才數技藝而博學精練名理以夜讀書由是

獲聲

邵正博覽墳籍

蜀志邵正安貧好學博覽墳籍弱冠能屬文為秘書郎案正性淡

于榮利而尤耽意文章自司馬王揚班傳張蔡之儔遺  
文篇賦及當世美書論益部有者則鑽鑿推求畧皆寓  
目自在內職與宦人黃皓比屋周旋經三十年皓從微  
至貴操弄威權正既不為皓所愛亦不為皓所憎是以  
官不過六百石而免于憂患依王謚有美譽晉書云王

譽與譙國桓胤太原王周顗有重名

晉書云周顗字伯仁少有重名神彩

秀徹雖時輩親狎莫能媒也司徒掾同郡賁嵩有清操  
見顗嘆曰汝穎固多奇士自頃雅道陵遲今復見周伯  
仁將振起舊風清我邦族矣廣陵戴若思東南之美舉  
秀才入洛素聞顗名往候之終坐而不敢顯其才辯  
於是人士益宗附之州郡辟命皆不  
就弱冠襲父爵武陵侯拜秘書郎補

## 著作郎

魏明皇帝置著作官

魏志云明帝太和初始置著作郎官

職閑稟重勢貴

多爭

秘書監華嶠云著作郎職閑稟重云

典司文籍

晉元康元年詔云著作舊屬中書而秘書

既別典文籍今改中書著作郎為秘書著作郎

記功書過

溫嶠表云見前

### 著作摠

料簡四部

晉陽秋云考武好覽文藝勅著作郎徐野民料簡四部書凡三萬六千卷

分作四

部

晉中興書李充為大著作郎于時典籍混亂充刪除煩亂以類相從分作四部

王沈典著作

晉書云王沈為秘書監正元中遷散騎常侍侍中典著作與荀顗阮籍共撰魏書多為時諱未若陳壽之實錄

也補案王沈傳云時魏高貴鄉公好學有文才引沈及裴秀數于東堂講讌屬文號沈為文籍先生秀為儒林

丈人及高貴鄉公將攻文帝召沈及王業告之衛顗典  
沈業馳白帝沈既不忠于主甚為衆論所非附

**著作**

魏志衛顗傳云顗受詔典著作又為魏官儀凡所  
撰述數十篇好古文烏篆隸草無所不善補案魏

國既建拜侍中與王粲並典制度文帝即王位徙為尚  
書頃之還漢朝為侍郎勸贊禪代之義為文誥之詔明  
帝即位顗奏曰九章之律自古所傳斷定刑罪其意微  
妙百里長吏皆宜知律刑法者國家之所貴重而私議  
之所輕賤獄吏者百姓之所縣命而選用者之所卑下  
王政之弊未必不由此也請置博士轉相教授事遂施  
行

附荀勗領著作

晉書荀勗見上

**李充為大著作**

晉中興書見上

**楊彪著**

**作東觀**

續漢書云楊彪博議多文著作東觀案華嶠  
書曰彪與馬日磾盧植蔡邕等著作東觀補

庾

**亮侍講東宮**

庾亮別傳云亮拜中書郎領著作  
侍講東宮其所論釋多見稱述

**王沈撰**

魏書

晉書王

陸機議晉書

王隱晉書陸機以文字為秘書監請為著作郎議著晉書

限斷

案機天才逸秀辭藻宏麗張華嘗謂之曰人之

為文常恨才少而子更患其多第雲嘗與書曰君苗見

兄文輒欲燒其筆硯後葛洪著書稱機文猶玄圃之積

玉無非夜光焉五河之吐流泉流如一焉其弘麗妍瞻

英銳漂逸亦一代之絕乎其為人所推服如此然好遊

權門與賈謐親善以進趨獲譏所著文章凡三百餘篇

並行于

五世著作一代良史

應亨集讓著作表云自司

世補

不絕卿族以為美談崔駰三世相繼其後無聞

若乃談選接武彪固踵跡亦各一世之良也何嵩善

史漢

王隱晉書何嵩善史漢

謝沈有史才

晉中興書謝

為著作亦不能作著書

沈傳云何充

庾冰並稱沈有史才遷著作郎撰晉書三十餘卷時年

五十二沉先著後漢書百卷及毛詩漢書外傳所著述

及詩賦文論皆行于世  
其才學在虞預之右

**張載不經史**

王隱晉書云張載才不經史能作晉

書案載又為濛汜賦司隸校尉傅玄見而嗟歎以車迎之言談盡日為之延譽遂知名起家佐著作郎補

### 著作左郎

**元帝嘉郭璞以為左郎**

晉中興書云郭璞秦南郊賦  
中宗嘉其才以為著作左郎

**譚薦朱鳳擢拜左郎**

晉中興書曰華譚為秘書監時晉陵朱鳳吳郡吳震等以單族二人

並有史才白首於衡門後譚知之薦二人推補著作佐郎

**陳壽撰三國志**

王晉書云陳壽好學

善著述除中書著作佐郎撰三國志案當時夏侯湛等多欲作魏書見壽所作即壞已書補

**束皙創**


**三帝紀**

文士傳云束皙元康四年應司空府入月餘亦除著作佐郎著作西觀撰晉書草創三帝紀及

十志 案晉傳云太康二年汲郡人不準盜發魏襄王墓或言安釐王冢得竹書數十車其紀年十三篇蓋魏國之史書大凡七十五篇多燼簡斷札武帝以其書付秘書省在著作得觀竹書隨宜分釋皆有義證武帝嘗問摯虞三日曲水之義虞對曰漢章帝時平原徐肇以三月初生三女至三日俱亡村人以為怪乃招攜之水濱洗祓遂因水以汎觴其義起此帝曰必如所談便非好事晉進曰昔周公城洛邑因流水以汎酒故逸詩云羽觴隨波又秦昭王以三日置水河曲見金人奉水心之劍曰令君制有西夏乃霸諸侯因此立為曲水二漢相緣皆為盛集帝大悅賜晉金五十觔時有人於嵩高山下得竹簡一枚上兩行科斗書司空張華以問晉哲曰此漢明帝顯節陵中筭文也 難晉書限斷于寶晉紀檢驗果然時人伏其博識補云東晉為祕書監賈謐請為著作左郎難陸機晉書限斷 案潘岳傳云岳與石崇等諂事賈謐每候其出與崇輒望塵

而拜構愍懷之文岳之辭也謚二十四友  
岳為其首謚晉書限斷亦岳之辭也補  
紀云著作郎邱象表稱世祖武皇帝擢臣負薪之中  
授臣著作左郎典治天下文義數術乃撰諸志也  
典文數術

瑞石



北堂書鈔卷五十七

欽定四庫全書

子部

北堂書鈔卷五十八至  
六十

詳校官中書<sub>臣</sub>金應琦

員外郎<sub>臣</sub>牛稔文覆勘

總校官庶吉士<sub>臣</sub>倉聖脉

校對官助教<sub>臣</sub>胡子襄

謄錄監生<sub>臣</sub>苗序洙

欽定四庫全書

北堂書鈔卷五十八

唐虞世南撰

明陳禹謨補註

設官部十

侍中

給事黃門侍郎

散騎常侍

通直散騎常侍

員外散騎常侍

散騎侍郎

給事中

奉朝請

侍中

侍中古官

環濟要畧曰侍中古官也或曰風后為黃帝侍中周時號常伯者言其道德可常遵也補

周號常伯

見上

侍中王喉舌萬機無亂也

應璩新詩云云

駿驤貝

帶

漢書云孝惠帝時侍中皆冠駿驤貝帶傳脂粉案師古曰以駿驤毛羽飾冠海貝飾帶駿驤即鸞鳥也

補

金蟬右貂

應劭漢官儀曰侍中周官也金蟬右貂金取堅剛百鍊不耗蟬居高食潔目在腋下

貂內勁悍而外溫潤侍中便繁左右與帝升降卒思近對拾遺補闕百僚之中莫密於茲秦始皇破趙得其冠

以賜侍中補

傅粉

漢書見前

含香

應劭漢官云侍中方存年老抱口臭上出鷄舌香使含之

抱

劍又云侍中殿下稱制掌御壺孔叢子云孔臧與子琳書曰侍中安國羣臣近

見崇禮不供褻事猶復掌御負國璽環濟要畧云侍帷唾壺朝廷之士莫不榮之

左右大駕出則負璽侍中舍人應劭漢官云漢因以從小則參乘補泰置侍中舍人比二

千石續漢書百官志云侍中比二千石案漢官秩云二千石周禮太僕于寶注曰若漢侍中補入

侍天子漢書百官公卿表云侍中中常侍得入禁中拾遺

補闕魏志文帝勅侍臣曰公卿等宜拾朕之遺補朕之

否入侍帷幄環濟要畧見前案七賢傳曰山濤太始七附入侍帷幄年為侍中詔曰清風淳復思心通遠宜侍

帷幄盡規左右補盡規左右見出則參乘環濟要畧見前次直護駕晉書

職官志云大駕出則次直護駕正直侍中負璽陪乘不帶劍餘皆騎從御登殿與散騎常侍對扶侍中居左常

侍居右出常陪乘漢書元帝以史丹為侍中出則陪乘出擁華蓋王仲宣誄云戴蟬珥

貂朱衣皓帶入侍左右近臣漢舊儀云侍中左右近臣見皇后如見帝婕妤行則

帷幄出擁華蓋對壁坐卒思近對應劭漢官拾遺左右侍中金敞拾遺

則守茵於左親近起居魏畧云集儀侍中親省起切問近對蔡

漢儀曰侍中常伯選舊儒高德博學淵懿仰古俯視切問近對喻旨公卿上殿稱制參乘佩璽秉劍補顧

問應對後漢百官制本注曰掌侍左儼贊威儀晉書職官志云

魏晉以來置四人別加官者則非數掌儼贊威儀補喻旨公卿蔡質漢儀云見前使辟公

卿應劭漢官儀漢成帝取明經者充為侍中  
使辟百官公卿參議可正上殿行則負璽侍帷幄典

秘書

東觀漢記賈逵拜侍中領騎都尉內備帷幄兼領  
秘書近署甚見信用案逵自為兒童常在太學

不通人間事身長八尺二寸諸儒為之語曰問事不休  
賈長頭性愷悌多智思傲儻有大節尤明左氏傳國語  
為之解詁五十一篇永平中上疏獻之顯宗重其書寫  
藏秘館時有神雀集宮殿官府冠羽有五采色帝異之  
以問臨邑侯劉復復不能對薦逵博物多識帝乃召見  
逵問之對曰昔武王終父之業驚驚在岐宣帝威懷戎  
狄神雀仍集此胡降之徵也帝侍清宴陳道德續漢書  
勅蘭臺給筆札使作神雀頌補侍清宴陳道德續漢書  
遷侍中禮待甚優其所薦名賢無不徵用進對陳政皆  
本道德上未嘗不稱善案于恭善說老子清淨不慕  
榮名家有山田果樹人或侵盜輒助為收採又見偷刈  
禾者恭念其愧因伏草中盜去乃起里落化之玉莽末

歲饑兵起恭兄崇將為盜所烹恭請代得與俱免補朝夕獻納東觀漢記鄧閭拜

侍左右忠言善謝承後漢書劉升為侍中朝朝夕獻納謝承後漢書劉升為侍中朝

餘事悉後漢桓郁為議郎敦厚篤學傳父業常論經書以尚書教授門徒常數百人父卒郁

當襲爵上書讓于兄子汎顯宗不許不得已受封悉以

租入與之帝以郁先師子有禮讓甚見親厚常居中論

經書問以政事稍遷侍中帝自制五家要說章句令郁

校定于宣明殿補案東觀記上謂郁曰卿經及先師致

復文雅其冬上親于辟雍自講所制五行章句已復令

郁說一篇上謂郁曰我為孔子卿為子夏起予者商也

又問郁曰子幾人能傳學郁曰臣子皆未能傳學孤從

兄子一人學方起上曰努力教之有起者即白之附從

容諷議文士傳云張衡拜侍中恒居問事輒對東觀漢

帷幄從容諷議拾遺左右

記李育

為侍中時章帝西謁園陵育陪乘問舊事育輒對由是  
見重也案育嘗讀左氏傳雖樂文采然謂不得聖人深  
意以為前世陳元范升之徒更相非折而多引言語辯  
圖識不據理體於是作難左氏義四十一事補言語辯  
捷吳志張尚孫皓時為侍中郎以楊奇靡事不對謝漢書  
言語辯捷見知擢為侍中王粲問無不對魏書王粲  
經才尤敏暢入補侍中天子  
所問引經據義靡不條對  
物多識問無不對時舊儀  
廢弛興造制度粲恒典之  
問得失帝謂憑曰侍中當匡補國政勿有隱情憑對曰  
陛下嚴帝曰朕何用嚴憑曰伏見前太尉西曹掾蔣遵  
清亮忠孝學通古今陛下納膚受之訴遂致禁錮世以  
是為嚴帝怒曰汝南子欲復黨乎憑出自繫廷尉有詔  
勅出後復引見拜憑虎賁中郎將以侍中兼領之正旦  
朝賀百寮畢會帝令羣臣能說經者更相難詰義有不

通輒奪其席以益通者憑遂重坐五十餘  
席故京師為之語曰解經不窮戴侍中補  
庾峻辯質無

屈

晉書庾峻拜侍中加諫議大夫常侍帝講詩中庶子  
何劭論風雅正變之義峻起難往反四坐莫能屈之

補案峻為博士時重莊老而輕經史峻懼雅道陵遲乃  
潛心儒典屬高貴鄉公幸太學問尚書義於峻峻援引

師說發明經旨申暢  
疑滯對答詳悉附

**國有疑常問得失**

謝承後漢書延  
篤為侍中自在

機樞常見延納上殿  
之言不宣外也

案後漢書篤本傳云篤為侍中帝數  
問政事篤詭辭密對動依典義遷左馮翊又徙京兆尹

其政用寬仁憂恤民黎擢用長者與參政事郡中歡愛  
三輔咨嗟焉時皇子有疾下郡縣出珍藥而大將軍梁

冀遣客齋書詣京兆并貨牛黃篤發書收客曰大將軍  
椒房外家而皇子有疾必應陳進醫方宜當使客千里

求利乎遂殺之冀慙而不得言補吳普本草曰牛黃味

苦無毒牛出入呻者有之夜有光走角中牛死入宿儒

顧問進楊厚

益部耆舊傳曰李固諫帝曰一日會朝見侍中皆年少無一宿儒可顧問者乃楊厚

黃瓊博雅顧問以何邵

晉起居注云武帝太康四年詔曰何邵已歷試朝位博雅有拾

遺顧問之才其

張馴有智惠

謝後漢張馴與蔡邕共奏定六經文字擢拜侍中典

領秘書馴儒雅

王濟有美才

山濤啓事云雍州刺史郭奕右衛將軍王濟誠有亮

美才侍中最高者也

案濟本傳云濟累遷侍中與侍中孔恂王恂楊濟同列為一時秀彥武帝常會公卿藩

牧於式乾殿顧濟恂而謂諸公曰朕左右可謂恂恂濟

濟矣每侍見未嘗不諮論人物及萬機得失濟善於清

言修飾辭令諷議將順朝臣莫能尚焉然外雖弘盧植

天下之望

後漢盧植為侍中遷尚書時大將軍何進謀誅中官乃召并州牧董卓以懼太后植知卓

凶悍難制必生後患固止之進不從及卓至果陵虐朝廷乃大會百官于朝堂議欲廢立羣寮無敢言植獨抗議不同卓怒罷會將誅植植素善蔡邕邕前徙朔方植獨上書請之邕時見親於卓故往請植事又議郎彭伯諫卓曰盧尚書海內大儒人之望也今先害之天下震怖卓乃止但免植官而已植以老病求歸懼不免禍乃詭道從轅轅出卓果使人追之到顏髦廊廟之望顏含別傳懷不及遂隱於上谷不交人事補

顏髦廊廟之望

顏含別傳

云髦形儀嚴整風貌端美大司馬桓公嘆曰顏侍中廊廟之望喉舌機要案髦父含本傳云含為侍中除吳

郡太守含所歷簡而有恩明而能斷然以威御下王導嘆曰顏公在事吳人歛手矣未之官復為侍中累遷光祿勳以年老遜位成帝美其素行就加右光祿大夫門施行馬賜牀帳被褥勅太官四時致膳固辭不受于時

論者以王導帝之師傅名位隆重百僚宜為降禮太常馮懷以問於含含曰王公雖重理無偏敬降禮之言或

是諸君事宜鄙人老矣不識時務既而告人曰吾聞王

伐國不問仁人向馮祖思問佞於我我有邪德乎補

案識舊佩

擊虞決疑要注云漢末喪亂絕無玉佩侍中

王粲顧和奏舊冕

晉中興書顧和遷侍中初中興東遷

也雜珠等和奏舊冕十有二旒皆用玉珠今用雜珠等非

禮若不能用玉可用白旒成帝於是始下太常改之

從祀甘泉

益部耆舊傳云蜀郡張寬漢武帝時為侍中

尺上怪其異遣問之女曰帝後第七車張寬知我所來

時寬在第七車對曰天星主祭祀齋戒不嚴則女人見

也從幸黎邱襄陽耆舊傳云習都為侍中從光武幸黎

邱與光武通夢見蘇山神光武嘉之拜大

鴻臚主蘇嶺之祀也

西謁陪乘

東觀漢記李育見上

南郊參乘

謝後漢書劉陵字孟高為

侍中車駕南郊陵參乘

馮魴三世

東觀漢記曰馮魴父子兄弟並帶青紫三世侍中

張辟

疆年十五

漢書云張辟疆留侯子年十五為侍中

桑弘羊年十二

又云桑弘羊雄

陽賈人子以心計年十二為侍中

問貂不知左遷

應劭漢官未詳

作詩稽留奏

免

魏陽秋云甘露二年帝幸辟雍命羣臣賦詩侍中和道作詩稽留有司奏免

### 給事黃門侍郎

名曰夕郎

漢舊儀云黃門日暮入對青瑣門名曰夕郎

主諸宦者

續漢書百官志云黃

門令一人主闕通內外

應劭漢官儀曰給事黃門部位省中諸宦者闕通內外給

事於中故曰給事讚相威儀晉官品令給事黃門四人黃門獻帝置六員

典署常操小蓋續漢書陰興為黃門侍郎每從出入常操小蓋障翳風雨險隘躬自履涉率先

期門上所幸止次直護駕晉官令品云給事黃門四人先入清辟也

皆用姓族博選耆儒謝後漢書朱穆諫曰臣聞漢家舊典置侍中中常侍各一人省尚書

事黃門侍郎一人傳發書奏皆用姓族自和熹太后以女主稱制不接公卿乃以閹人為常侍小黃門通命兩

宮自此以來權傾人主窮困天下宜三世不徙漢書揚甘罷遣博選耆儒宿德與參政事

歲餘為給事黃門永平不遷東觀漢記云馬俊老至志成哀平三代不徙

廷兄為虎賁中郎將弟張禹少子漢書張禹為太傅有疾成帝臨視拜於牀

為黃門郎永平世不遷

下有少子在側目之帝馬防小侯東觀漢記馬防為常從小侯上欲冠防夜

知其意於前拜黃門郎拜為黃門侍郎劉歆年少劉向與子歆書曰今若年寶固節操

東觀漢記寶固少為杜恕威嚴三輔決錄云杜恕拜黃門侍郎諫讓有節操

張華博覽圖籍王隱晉書云張華為黃門侍郎石浚博覽圖籍四海之內若指諸掌

鑒識人物臧榮緒漢書石浚字景倫清儉鑒識敬荀悅

侍講後漢書荀悅遷黃門侍郎獻帝頗好文學悅與從弟彧及孔融侍講禁中案悅年十二能說春秋家貧無

書每之人間所見篇牘一覽多能誦記性沈靜美姿容

尤好著述靈帝時閹宦弄權士多退身窮處悅乃托疾

隱居時人莫之識從弟或時稱敬焉累遷秘書監侍中

時政移曹氏天子恭已而已悅志在獻替而謀無所用

乃作申鑒五篇其所論辨通見政體既成而奏之補董遇侍講魏畧云董遇字季直獻帝時為黃門

侍郎旦夕侍講天子所愛信也郭況謹慎東觀漢記郭況以后弟小心謹慎年十六為黃門侍郎

任淑淑慎任淑別傳云魏文帝以淑為黃門郎每納忠言輒手懷其本自在禁省歸不書封帝嘉其

淑馮參恂恂可觀漢書馮參昭儀少弟為黃門郎給事中為人矜嚴好修容儀進止恂恂可

觀也王黎軒軒得志傅子云王黎為黃門郎軒軒然得志煦煦然自樂美麗見悅

漢書董賢為太子舍人哀帝立賢隨太子官為郎二歲餘賢傳漏在殿下為人美麗自喜哀帝望見悅其儀貌

識而問之曰是舍人董賢耶因引上與語拜為黃門郎疏敏合意續漢書耿國為黃門郎疏敏有

識于時見問常多合意上以為能也江統作儀王晉書云江統為黃門郎作朝會儀曹毗作

詩曹毗五言詩序云余從中書轉為黃門在直多懷作詩書屏風云爾

### 散騎常侍

獻可替否

應劭漢官儀云秦及漢置散騎中常侍各一人官並無員散騎馬夾乘輿車獻可替否補

承答顧問

華嶠集云散騎以從容侍從承答顧問為職又掌贊詔命平處分籍故前世多參用言語

文學之士同掌規諫魏志文帝延康元年置散騎常侍為一官省中宇置四人與侍中同掌規諫

朝夕規獻

應璩新詩散騎常侍俱掌直諫王隱晉書云傅師友朝夕進獻規

及受禪進爵為子加駙馬都尉與皇甫陶共掌諫職案玄少博學善屬文解鍾律性剛勁亮直不能容人之

短補集比詔策

晉中興云興寧二年桓溫春省散騎常侍二人復置四人凡一省文書表奏意異者

為散騎常侍比於侍中詔璫插右黃初中詔璫之暉王

始置四人出入侍從與上談議不典事

書顧凱之拜散騎常侍表云不悟陛下聖恩所加登之

常伯之列飾以貂璫之暉案愷之本傳愷之每食甘

蔗恒自尾至本人或怪之云漸入佳境尤善丹青圖寫

特妙謝安深重之以為有蒼生以來未之有也愷之每

畫人或或數年不點目睛人問其故答曰四體妍媸本

無關於妙處傳神寫照正在阿堵中義熙初為散騎

常侍與謝瞻瞻連省夜於月下長詠瞻每遙贊之愷之彌

自力忘倦瞻將眠令人代已愷之不覺有異遂申旦而

止尤信小術以為求之必得桓玄嘗以一柳葉給之曰

此蟬所翳葉也取以自蔽人不見已愷之喜引葉自蔽

玄就溺焉愷之信其不見已也甚珍之初愷之在桓溫

府常曰愷之體中癡點各半合而論之正得平耳故俗

傳愷之有三絕才夾乘輿車應邵漢官入侍左右環濟

絕畫絕癡絕補才儀云見前

云散騎常侍入侍左右鄭思元參乘王隱晉書鄭默字

世祖祀南郊侍中已陪乘司馬駿侍講傅暢晉諸公讚

為散騎常侍侍講十謝萬宜居獻替晉起居注云升平

郎謝萬才義簡亮宜居獻替其以為散騎常侍案謝

萬本傳云萬才器備秀雖器量不及安而善自銜耀故

早有時譽工言論善屬文敘漁父屈原季主賈誼楚老

龔勝孫登嵇康四隱四顯為八賢論其旨以處者為優

出者為劣以示孫綽綽與往反以體公識遠者則出處

同歸嘗與蔡系送客於征虜亭與系爭言系推萬落牀

冠帽傾脫萬徐拂衣就席神意自若坐定謂系曰卿幾

壞我面系曰本不為卿面計然俱不以介意時亦以此

稱之王恂宜進拾遺晉起居注太始元年詔曰給事黃

補之門侍郎王恂篤志好學不殞先業

久歷朝班職用有效宜拾遺左右其以恂為散騎常侍  
案恂本傳恂弱冠與陳郡謝玄為桓溫掾俱為溫所  
敬重嘗謂之曰謝掾年四十必擁旄仗節王掾當作黑  
頭公皆未易才也後恂夢人以大筆如椽與之既覺語  
人曰此當有大手筆事俄而孟達容觀蜀志孟達自蜀  
帝崩哀冊該議皆恂所草補孟達容觀降魏文帝善達  
之姿才容觀以庾闡文章晉中興書云庾闡有文章才  
為散騎常侍

召為散騎常侍

譙周博物洽聞

于寶晉紀曰詔騎都尉譙周聞

劉禪歸命有忠君濟民之謀又耽習典藝博物洽聞朕

甚嘉之以為散騎常侍案譙周本傳鄧艾入陰平百

姓擾擾皆迸山野不可禁制後主使羣臣會議計無所  
出或以為蜀之與吳本為和國宜可奔吳或以為南中  
七郡阻險斗絕易以自守宜可奔南惟周以為自古以  
來無寄他國為天子者也今若入吳固當臣服且政理

不殊則大能吞小此數之自然也由此言之則魏能併  
吳吳不能併魏明矣等為小稱臣孰與為大再辱之恥  
何與一辱且若欲奔南則當早為之計然後可果今大  
敵已近禍敗將及羣小之心無一可保恐發足之日其  
變不測何至南之有乎又上疏曰堯舜以子不善知天  
有授而求授人子雖不肖禍尚未萌而迎授與人沈禍  
已至乎故微子以殷王之昆面縛銜璧而歸武王豈所  
樂哉不得已也於是遂從周策劉氏無虞一邦蒙賴周  
之謀也補襄陽記曰譙周言先帝諱備其訓具也後  
主諱禪其訓授也如言劉已具矣當授與人也附程  
咸博學洽通王晉書云程咸字延祚太始十年詔曰黃  
侍常阮嗣宗非好事七賢傳云高貴鄉公以阮籍為散  
籍容貌瓌傑志氣宏放傲然獨得任性不羈而喜怒不  
形於色或閉戶視書累月不出或登臨山水經日忘歸

博覽羣籍尤好莊老嗜酒能嘯善彈琴當其得意忽忘  
形骸時人多謂之癡惟族兄文業每嘆服之以為勝已  
由是咸共王永安時論清之吳志王藩字永年孫休即  
稱異補散騎中常侍皆加駙馬都尉時論清之

### 通直散騎常侍

東平王懋為通直之始

晉起居注云太始十年詔東平王懋為員外常侍通殿中直散

騎常侍通直之號蓋自此始也

日新匪懈

又云惠帝永寧元年詔曰散騎常侍卿邪王睿日新匪懈

宜在機近其令睿通直也夙夜不懈

臧榮緒晉書云太始十年詔程咸歷職左右劬勞內侍乃心在

公夙夜不懈以咸為散騎常侍左通直郎

# 員外散騎常侍

公族間任

晉諸公贊云任愷王俊齊王攸皆為魏員外散騎常侍于時公族務在閒任故置外位也

登之常伯

王隱晉書顧愷之拜員外散騎常侍見前

嘉之宜補

王晉書云吏部李重啓太

常博士曹嘉之

孫朝宜給

晉起居注云咸康八年司徒王導表員外常侍孫朝告老

宜給本官秩以給餘年

天錫歸國

晉書張天錫為苻融征南司馬於陣歸國詔曰昔孟明不替終

顯厥功宜以一眚而廢才用其以天錫為散騎常侍左員外又詔曰故太尉西平公張軌著德遐域世襲前勞

彊兵縱害遂至失守散騎常侍天錫拔迹登朝先祀淪替用增矜慨可復天錫西平郡公爵俄拜金紫光祿大

夫天錫少有文才流譽遠近及歸朝甚被恩遇朝士以其國破身虜多共毀之會稽王道子嘗問其西土所出

天錫應聲曰桑菴甜甘鴨補符朗歸化載記符朗為青州刺史在任甚

革響乳酪養性人無妬心補有稱績後晉遣淮南太守高素伐青州朗遣使詣謝玄於彭城求降玄表朗許之詔加員外散騎侍郎既至揚州風流邁於一世超然自得志凌萬物所與晤言不過一二人而已補案朗善識味鹹酢及肉皆別所由會稽王司馬道子為朗設饌極江左精餽食訖問曰關中之食孰若此荅曰皆好唯鹽味小生耳既問宰夫皆如其言或人殺雞以食之既進朗曰此雞栖恒半露檢之皆驗又食鷺肉知黑白的處人不信記而試之無毫釐之差

### 散騎侍郎

掌問應對

應劭漢官儀云漢武元鼎三年初置散騎俱掌問應對世祖省之案漢初有散騎侍郎掌

侍省皆為騎郎貲滿五萬為常侍郎為賓宴臣桓氏家張釋之以貲為常侍蓋為此官也傳曰延

康元年初置散騎之官皆選新舊文武之才以為賓宴之臣遷桓範為散騎侍郎官也詔集羣書

魏書云劉劭字孔才為散騎侍郎受撰正音訓晉書云詔集五經羣書以類相從作皇覽徐邈姿

性端雅勤行勵學博涉多聞以慎密自居少與鄉人臧壽齊名下帷讀書不游城邑及孝武帝始覽典籍招延

儒學之士邈既東州儒素太傅謝安舉以應選補中書舍人在西省侍帝雖不口傳章句然開釋文義標明旨

趣撰正五經音訓學者宗之遷散騎常侍補帝室茂親束皙集云員外侍郎皆帝室茂親貴游子

弟皆貴子弟魏志孟康拜散騎侍郎是時散騎侍郎多貴子弟或以高才英儒充其選而康以外

屬雜其間故皆輕之不復呼其姓字而謂之何元康既有才敏又好學眾人更嘉之荀顗擢拜晉書

荀顗傳顗幼為陳羣所賞性至孝博學洽聞理思周密  
魏時以父勲除中郎宣帝輔政見顗奇之曰荀令君之  
子也擢拜散騎侍郎難鍾會易無互體又謝頤顯侍謝  
與扶風王駿論仁孝孰先見稱于世補

表云兄頤除員外散清和著稱晉中興書云王悅弱冠  
騎侍郎顯侍帷幄清和著稱晉中興書云王悅弱冠

清和著稱除知名美稱晉中興書云王洽字敬和王導  
散騎侍郎知名美稱諸子中最知名與荀羨俱有美

稱弱冠除散張賀七歲拜散騎漢書云張賀年鍾毓十  
騎中書郎張賀七歲拜散騎

四為散騎魏志鍾毓年十四為散騎侍郎機捷談笑有  
父風案太和初蜀相諸葛亮圍祁山明帝

欲西征毓上疏曰夫策貴廟勝功尚帷幄不下殿堂之  
上而決勝千里之外車駕宜鎮守中土以為四方威勢  
之援今大軍西征雖有百倍之威於關中之費所損非  
一且盛暑行師詩人所重實非至尊動輒之時也補

給事中

掌顧問

漢書百官公卿表曰給事中亦加官或大掌侍

從

胡伯始云給事掌侍左右無員位次侍中中常侍或名儒或國親漢東方朔拜中郎為給事中劉向諫議

大夫為給事中

帝室茂親

求哲集云員外侍郎及給事允從皆帝室茂親或貴游子弟補貴

游子弟

見鄭衆明經范曄後漢書云鄭衆以明經拜給事中衆年十二從父授左氏

春秋精力於學明三統歷作春秋難記條例兼通易詩

知名於世以越騎司馬復留給事中是時北匈奴遣使

求和親顯宗遣衆持節使匈奴衆至北庭虜欲令拜衆

不為屈單于大怒圍守閉之不與水火欲脅服衆衆拔

刀自誓單于恐而止乃陳邵儒教王隱晉書太始中詔

更發使隨衆還京師補陳邵儒教曰燕王師陳邵清貞

潔靜行著邦族篤學好古博通六籍耽悅典誥  
老而不倦宜在左右以篤教可為給事中補蘇林文  
學魏畧云蘇林博學多通古今字指凡諸書傳文問危  
疑林皆釋之建安中為五官中郎將文學甚見禮待  
黃初中為博士給事中文帝補袁准俊才荀緯兗州記云  
作典論所稱蘇林者是也  
始中為給事中

### 奉朝請

朝會而已

沈約宋志云奉朝請無員亦不為官漢東京  
罷省三公外戚宗室諸侯多奉朝請奉朝請

者奉朝會請召而已補案周禮大宗  
伯職云諸侯春見曰朝時見曰會附  
三年詔曰前相國掾主簿雖奉朝請  
並從容間豫若大縣關宜以治民也從容間豫

晉起居  
注武寧

皆奉朝請漢書霍  
光傳自

昭帝時光子禹及兄孫雲皆中郎將雲弟山奉車都尉侍中領胡越兵光兩女壻為東西宮衛尉昆弟諸壻外孫皆奉朝請為諸曹大夫騎都尉獨奉朝請漢官解詁給事中黨親連體根據於朝廷補獨奉朝請云三輔職如郡守獨奉朝請成帝丞相時張禹避位時進奉朝請又以闕內侯蕭望之大司馬嘉皆奉朝請位次

三公

續漢書云前漢列侯奉朝請在長安位次三公

宜兼三公

晉太常劉寔表云郊廟諸王見

在奉朝請宜兼三公奏可

在丁傅之右

漢書董賢傳賢年二十二雖為三公常給事中領尚書百

官因賢奏事以父恭不宜在卿位徙為光祿大夫秩中二千石弟寬信代賢為駙馬都尉董氏親屬皆侍中諸曹奉朝請寵在丁傅之右矣補案賢貴震朝廷常與上臥起膏晝寢偏籍上襲上欲起賢未覺不欲動賢迺斷襲而起其恩愛至此賢亦性柔和便辟善為媚以自固每賜洗沐不肯出常留中視醫藥上以賢難歸詔令賢

妻得通引籍殿中止賢廬若吏妻子居官寺舍又召賢女弟以為昭儀位次皇后詔將作大匠為賢起大第北闕下重殿洞門木土之功窮極技巧柱檻衣以絳錦下至賢家僮僕皆受上賜及武庫禁兵上方珍寶其選物上第盡在董氏而乘與太子遊處晉武帝詔曰隴西王與所服迺其副也附與太子遊處世子越駙馬都尉楊邈並可奉朝請付與太子遊處也

北堂書鈔卷五十八

欽定四庫全書

北堂書鈔卷五十九

唐 虞世南 撰

明 陳禹謨 補註

設官部十一

尚書總錄尚書

尚書令尚書僕射

尚書總

尚書唐虞官也

漢官儀云尚書唐虞官也龍作納言詩云惟仲山甫王之喉舌秦改稱尚書漢

亦尊此官典機密也補

唐虞曰納言周官為內史

漢官解詁云唐虞曰納言周官

為內史機事所總號令攸發補

銅印墨綬執笏負符

晉書官品云尚書僕射六人皆銅印

墨綬進賢兩梁冠絳幘朝服佩水蒼玉

管主喉舌

尚書注曰

納言如今尚書管主喉舌也

天子喉舌

後漢陽嘉二年李固上書曰陛下之有尚書猶天之有北

斗也斗為天喉舌尚書亦為陛下喉舌斗斟酌元氣運平四時尚書出納王命賦政四海權尊執重責之所歸

若不平心災眚必至補

王之喉舌

揚雄尚書箴曰皇皇聖哲允勅百工命作齋慄龍為納言是機

是密出入朕命王之喉舌獻善宣美而讒說是折我視云明我聽云聰載夙載夜惟允惟恭補

喉舌之

任

傅子云尚書者出入王命喉舌之任也

出納詔命

漢書解詁云尚書出納詔命齊衆喉舌

獻善宣美

揚雄尚書箴見前

機事所總號令攸發

漢書解詁云見前

省

案平處

韋昭辨釋名曰尚上也言最在上總領之也辯云尚猶奉也百官言事常省案平處奉之故曰

尚書尚食尚方亦然補

處議持平

桓譚新論云昔堯試舜於大麓者領錄天下事如今之尚書官

矣宜得大賢智乃可使處議持平

主計官

周禮天官司會之職鄭注云會大計也司會主天下之大

計計官之長掌計要

禮記王制云司會以歲之成質於天子鄭玄注云司會冢宰之屬掌

計要者也質猶平其計要也

典機密

應劭漢官儀云見前

典樞機

華嶠漢書韋彪上疏曰欲

給民所務其原在尚書典樞機天下事一決之也

統庶事

應劭云侍中王喉舌萬機無不理尚書統

庶事官人萬事之本

晉康帝起居注詔曰尚書萬事之本朕所責成也而廩秩儉薄甚非

治體今雖軍國多費不為元凱惜祿其

民物所原華嶠漢書

依令僕給尚書各親信五十人廩賜

韋彪上錄天下事

桓譚新論補我哀闕

摯虞尚書箴曰舜納大麓七政

以齊內成外平風雨不迷補我哀闕闕我皇猷皇猷允

塞四海咸休雖聖雖明必賴良才無曰我智官不能任

發言如絲其出成綸千

分為四曹漢書成帝建始四年罷中書宦官置尚書

員五人

案師古曰漢舊儀尚書四人分為四曹常侍尚書主丞相御史事二千石尚書主刺史二千石事戶

曹尚書主庶人上書事主客尚書主外國

謂之八座續漢

事成帝置五人有三公曹主斷獄事補書云光武帝分增三公曹為二公其一曹主歲盡諸州郡事常侍曹主選舉祠祀民曹主繕功作鹽池苑囿客

曹主護駕羌胡朝賀二千石曹主詞訟中都官主  
水火盜賊與三公為六曹并令僕二人謂之八座士之

權貴

漢官解詁云士之權貴不過尚書

士之樞機

皇甫謐集云尚書文士之樞機也

宜

得大賢

桓譚新論云見前

非賢莫居

晉書蔡謨為尚書上疏讓曰八座之任非賢莫居前

後所用資名有常孔愉諸葛恢並以清節令才少著名  
望臣守小郡名輩不同階級殊懸今猥以輕鄙超倫踰  
等上亂聖朝貫魚之序下違羣士准平之論豈唯微臣  
其亡之誠實昭聖政惟塵之累補案謨博學於禮儀宗  
廟制度多所議定文筆論議有集行於世總應劭以來  
注班固漢書者為之集解謨初渡江見蜺蜺大喜曰蟹  
有八足加以二螯今烹之既食吐下委頓方知非蟹後  
詣謝尚而說之尚曰卿讀爾雅不熟幾為勤學死謨性  
方雅丞相王導作女伎施設牀席謨先在坐不悅而去  
導亦不止之性尤篤慎每事必為過防故時人云蔡公

過浮航脫帶腰舟附

八元八愷

左傳云昔高陽氏有才子八人蒼舒殯鼓檣戲大臨龍降庭堅仲容

叔達齊聖廣淵明允篤誠天下之民謂之八愷高辛氏有才子八人伯奮仲堪叔獻季仲伯虎仲熊叔豹季狸

忠肅共懿宣慈惠和天下之民謂之八元補

### 錄尚書

大錄萬機

沈約宋書云諸公錄尚書事古制也王肅解尚書納于大麓曰堯納舜於尊顯之官使天

下大錄萬機之政

百官總已

應劭漢官儀和帝策書曰故太尉鄧彪元公之族三讓彌高海內歸

仁為羣賢首其以彪為太尉錄尚書事百官總已以聽

錄六條

晉中興書云會稽文孝王以錄尚書

六條開府領司徒又領揚州牧黃鉞羽葆

案沈約宋志何克表曰咸康中

分置三錄王導錄其一荀崧陸曄各錄六條事然則似有二十四條若止有十二條則荀陸各錄六條導又何所司乎若導總錄荀陸分掌則不得復云導錄其一也其後每置二錄輒云各掌六條事又是止有十二條也十二條者不知悉何條晉江右有補參七牒沈約宋書云晉惠帝初四錄則四人參錄也使尚書七牒大事經關張華有異

**宜參機衡**

晉起居注云元康元年詔曰司徒王渾秉法從正思量弘遠厯位外

內文武勲庸著在方策宜參弼機衡以亮天工其可錄尚書事也

**宜讚朝政**

晉起居注大興二年

八月詔司徒荀組讚朝政令錄尚書給班劍六十人

**大司馬平尚書事**

沈約宋書云霍光以

大司馬大將丞相錄尚書事

晉中興書云太初元年詔曰會稽王體道冲虛識理

明允登題親賢國之典也其以為丞相錄尚書入朝不趨讚拜不名劍履上殿

**初總萬機**

王隱晉書

云司馬景王為撫軍大將軍侍郎都督中外諸軍錄尚書事上初總萬機正身平法朝政肅然恒總萬

機晉中興書王遵為驃騎揚州領中書監錄尚書事時中丞熊遠尚書周顥等為有司所奏遵上疏請免錄

中宗令曰卿恒總萬機何解錄除節而已張安世職典樞機外內無間漢書張安

世拜大司馬車騎將軍領尚書事職典樞機以謹慎周密自著外內無間蔣公琰處羣僚右

衆望漸服蜀志蔣琬字公琰錄尚書事時新喪元帥遠近危悚琬出類拔萃處羣寮之右既無戚容

又無喜色神守舉止有如平日由是衆望漸服趙峻不貳李固不回應劭漢官儀

帝策書云太尉趙峻三世掌典機衡有匪石不二之心大司農李固公族之苗忠貞不回今以峻為太傅固為

太尉參錄尚書事桓烏太傅入授華嶠漢書云桓烏明經篤行有名稱以尚書授安帝拜太

傳錄尚書復入授順帝于禁中因宴見  
奏宜引三公尚書入省事天子從之  
李固太尉參錄

應劭漢官

司馬元顯為西錄

晉書云司馬道子日飲醇酒而委事於司馬元顯元

顯雖年少而聰明多涉志氣果銳以安危為已任既而  
孫思乘釁作亂加道子黃鉞元顯為中軍以討之又加  
元顯錄尚書事然道子更為長夜之飲政無大小一委  
元顯時謂道子為東錄元顯為西錄西府車騎填湊東  
第門下可設雀羅矣補案史臣曰元顯以童州之年受  
棟梁之寄專制朝廷陵蔑君親奮庸瑣之常材抗姦兇  
之巨寇喪師殄  
國不亦宜乎附桓玄遙錄尚書事  
晉中興書云元興八  
年桓玄用事出鎮姑  
孰雖職在外實遙錄尚書事也  
案玄本傳云玄母馬  
氏嘗與同輩夜坐于月下見流星墜銅盆水中忽如二  
尺火珠炯然明淨競以瓢接取馬氏得而吞之若有感  
遂有娠及生玄有光照室占者奇之故小名靈寶妳媪

每抱詣溫輒易人而後至云其重兼常兒溫甚愛異之  
太元末出補義興太守鬱鬱不得志嘗登高望震澤嘆  
曰父為九州伯兒為五湖長後圖逆出偽詔改年為建  
始右丞王悠之曰建始趙王倫偽號也又改為永始復  
是王莽始執權之歲其兆號不祥冥符僭逆如此後元  
興中衡陽有雌鷄化為雄八十日而冠姜其及玄建國  
於楚衡陽屬焉自篡盜至敗時凡八旬矣其時有童謠  
云長干巷巷長干今年殺郎君後年斬諸桓其凶兆符  
會如此郎君  
謂元顯也補

### 尚書令

尚書令秦置漢武改為謁者令

後漢百官志云尚書令一人承秦所置武帝用

官者更為中書謁者令成帝用士人復故  
掌凡選署及奏下尚書曹文書眾事補

銅印墨綬

百晉

官表注云尚書令唐虞官也銅印墨綬五  
時朝服納言幘進賢兩梁冠佩水蒼玉  
納言幘進賢

冠見

古之冢宰

晉公卿禮秩云尚書令古之冢宰荀勗  
集云昔六官所掌冢宰為首秦公卿贊

以丞相御史為冠今者尚書令  
總此三者非臣驚聞所宜忝竊  
周之冢宰  
曹嘉之晉紀  
云荀勗守尚

書令詔曰周之冢宰今尚書令皆古百揆之任以其亮  
承惠疇熙帝之載實允於此勗肆力先朝庸勲超格受

終之揆協於大麓  
總領紀綱  
後漢典職云尚書令主贊  
故授以此位也  
秦事總領紀綱無所不統

與司隸校尉御史中丞朝會皆  
總攝諸曹  
晉百官表注  
專席而坐京師號曰三獨坐補  
云尚書令總

攝諸曹出納王命敷奏萬機蓋政令之所由宣選舉之  
所由定罪賞之所由正斯乃文昌天府衆務淵藪內外

所折衷遠近  
出納王命  
見憲範王猷  
晉書謝石為尚書  
所稟仰補  
上疏遜位曰尚

書令國之冢司總括百揆憲範王猷式掌曹文書續漢書百

是羣辟故必簡德而拔量才而受補官志讚尚書事漢書元鼎二年以張安世為尚書令改

見前讚尚書事為中書讚者令讚尚書事司馬止弘恭石顯數奏萬機晉百官表總括百揆尚書令見前百揆

之首晉起居注武帝詔曰尚書令百揆之首總叅機衡出納朝政治績之所由也車騎將軍賈充忠允清

正通理經遠迪文武謨勲七政以齊勢虞尚書弘著其以克守尚書令補端右之

職晉起居注云太始元年詔曰尚書令總百揆端右之職也是以自漢代以來每慎選此官端右之

重晉書王恭傳云司馬道子嘗集朝士置酒於東府尚書令謝石因醉為委巷之歌恭正色曰居端右之重

集藩王之第而肆淫歌欲令羣下何所取則石深銜之補案恭性抗直深存節義讀左傳至奉王命討不庭每

輟卷而嘆為性不弘以闇於機會自在北府雖以簡惠為政然自矜貴與下殊隔不閑用兵尤信佛道調役百姓修營佛寺務在壯麗士庶怨嗟臨刑猶誦佛經自理鬚鬢神無懼容謂監刑者曰我闇於信人所以致此原其本心豈不忠於社稷但令百代之下知有王恭耳家無財帛唯書籍而已為識者所傷恭美姿容人多愛悅或目之曰濯濯如春月柳嘗披鶴氅裘步雪而行孟昶窺見之嘆曰此真神仙中人也附

文昌天府

晉百官表

總參機衡

晉起居注見前

明習漢事

漢書孔光為博士選三科高第

為尚書觀故事品式數歲明習漢制及法令上甚信明任之轉為僕射尚書令有詔光周密謹慎未嘗有過

習故事

東觀漢記云樊準為尚書明習漢家故事

軍國大事皆與籌焉

魏志荀彧

為漢侍中守尚書令常居中持重太朝之大事無不得祖雖征伐在外軍國事皆與或籌焉

判晉中興書琅邪王錄云王彪之遷尚書令謝安無事

王公無不得判也  
**條奏善政**  
後漢侯霸拜尚書令時無典故朝

文條奏前世善政法度有益於時者皆施行之  
每春下寬大之詔奉四時之令皆霸所建也  
**朝無秕**

政謝漢書張修字子慎拜尚書令奏罷中官  
貴臣弟子在官者國教肅清朝無秕政  
**奏崇經術**

後漢左雄為尚書令奏崇經術郡國者儒年六十已上  
為郎不滿四十不得察舉若茂才異行不拘年齒帝從  
之有廣陵孝廉徐淑年未及舉臺郎疑而詰之對曰詔  
書曰有如顏子子奇不拘年齒是故本郡以臣克選郎  
不能詰雄詰之曰昔顏子聞一知十孝廉聞一知幾耶  
淑不能對乃譴却郡自是牧守莫敢輕舉自雄在尚書  
天下不敢妄選十餘  
**奏正分職**  
魏志裴潛為尚書令奏  
年間稱為得人補  
正分職料簡名實出事

使斷官府者百  
五十餘條補  
**決謨帷幄**  
謝漢書郅壽為尚書令朝廷有疑議帝特進見決謨帷幄

肅宗奇其智策擢為京兆尹  
大將軍竇憲以外戚之寵威傾天下憲嘗使門人齎書  
諸壽有所請托壽即送詔獄前後上書陳憲驕恣引王  
莽以誠國事是時憲征匈奴海內供其役費而憲及其  
弟篤景並起第宅驕奢非法百姓苦之壽以府藏空虛  
軍旅未休遂因朝會議刺憲等厲音正色辭旨甚切補  
**選舉高妙**  
謝承後漢楊淮拜尚書令秉心正拔擢英俊

謝承後漢書云衛良字叔賢拜尚書令每選舉常先諮  
訪拔擢天下英俊及二千石長吏必依功次用之州里  
同郡雖有佳者避遠  
**旌賢退惡**  
謝承後漢書曰平涉拜尚書令明審選舉旌賢  
嫌疑猶後他州也  
**退推賢進士**  
魏氏春秋云荀攸為魏尚書令推賢進士  
太祖曰二荀令之論人益信後世不忘也

後漢黃香拜尚書令數陳得失賞賚增加嘗

獨止宿臺上晝夜不離省閨後管樞機甚見

親重而香亦祇勤物務憂公如家東平清河秦妖言卿

仲遠等所連及且千人香科別據奏全活甚衆又曉習

邊事均量軍政皆得事宜帝知其精勤數加恩賞疾病

存問賜醫藥在位多所薦達寵遇甚盛議者譏其過倖

志在匡益

晉中興書云刁協為尚書令加金紫光祿

正身機密

謝承後漢書鄧儒字伯祖補尚書令正身機密不撓強臣

正色於朝

晉中興書

卞壺明帝時為尚書令與王導等俱受顧命輔幼主成

帝即位羣臣進璽司徒王導以疾不至壺正色於朝曰

王公豈社稷之臣耶大行在殯嗣皇未立寧是人數犯

顏色

續漢書云中屠剛拜侍御史遷尚書令在尚書數

數犯顏正色百寮憚之常慕史鮪汲黯之為人

有直言

謝漢書唐約字仲謙拜尚書閑習舊典質素密靜自典機樞數有直言美策每作表疏皆自手

書之不宜於外處官不言貨利之事當法不阿所私京師詠曰治身無嫌唐仲謙

數納策謀常

合上意

華嶠漢書云永平七年宋均為尚書令忠正直言數納策謀未嘗不合上意

數陳便

益多見省納

謝承後漢書云王防字文始為尚書令典在樞機竭忠於國數陳便益議判時政以

為闕失言旨切直多見納省

周榮盡心奉職

東觀漢記云周榮為尚書令盡心奉職夙夜不

怠 呂乂治身儉約

蜀志呂乂為尚書令衆事無留門無停賓乂歷職內外治身儉約謙靖少言

為政簡而不煩號為清能然持法刻深好用文俗吏故居大官名聲損於郡縣補

牟融勤勞不

怠 應劭漢官儀章帝詔曰司空牟融典職六年勤勞不怠其以融為太尉錄尚書

王渾秉德清

正晉起居注云元康十年詔曰司徒王渾秉德清正思

量弘遠歷位內外茂著勲庸且大弼機衡以亮天工

其以為安世奇才漢書張安世少以父任為郎因善書

尚書令行幸河東亡書三篋詔問莫能知費祿識悟費祿別傳

惟安世識之上奇其才擢尚書令費祿識悟云祿代蔣

玗為尚書令于時戰國多事公務煩猥識悟過人每省

讀書記舉目暫視已究其意旨其速數倍於人終亦不

忘常以朝晡聽事其間接納賓客沈勲名冠百僚會稽

飲食嬉戲加之博奕每盡人之歡傳曰沈勲字子異徵調南宮祭酒拜

尚書令持節臨辟雍名冠百僚也羊祜肅整朝廷

啓事曰尚書令缺宜得其人征南將羊祜肅整朝廷

軍羊祜體儀正立可以整肅朝廷紀云左

雄為尚書令限年四十九試經然後舉孝廉故雄為令

在位者各肅清時稱曰左伯豪為尚書天下皆慎選舉

舉朝憚之

晉中興書  
卞壹見前

號為補職

華嶠後漢書云黃瓊遷  
尚書令習見故事號為

補職 案范曄後漢書黃瓊傳云初瓊隨父在臺閣習  
見故事及後居職達練官曹爭議朝堂莫能抗奪補

號為清能

蜀志呂乂  
傳見前

視尚書如參佐尚書郎若掾屬

王隱

晉書衛瓘拜尚書令加侍中瓘性嚴整以法御下視尚  
書若參佐尚書郎若掾屬 案瓘學問深博明習文藝

與尚書郎燉煌索靖俱善草書時人號為一  
臺二妙論者謂瓘得伯英筋靖得伯英肉補謝石脚疾

於府綜攝

晉中興書云謝石遷尚書令石上表以脚疾  
不敢朝拜乞依故尚書王彪之例於府綜攝

詔王述患脚於府攝事

徐廣晉紀云王述不拜中書監  
患脚就拜尚書令於府攝事也

## 尚書僕射

僕射秦官領事之號

漢書百官表云僕射秦官自侍中尚書博士郎皆有古者重武官有

主射以督課之軍屯吏駙宰永巷宮人皆有取其領事之號案孟康曰皆有僕射隨所領之事以為號也若

軍屯吏則曰軍屯僕射永巷則曰永巷僕射補銅印墨綬百官表注云僕射一

服納言幘進賢兩梁冠佩水蒼玉建安以來執金吾納榮劭為尚書左僕射僕射之有左右自此始也補

言幘進賢冠

見上

主開封

漢書典官職云尚書僕射主開封掌授稟假錢穀也

典選

舉

魏志云陳泰為尚書左僕射典選舉

署尚書事

後漢書百官志云尚書僕射一人六百石署尚

書事令不在則奏下眾事省錄臺事

謝漢書云尹昆為侍御遷尚書僕射詔曰惟君公曹時克獎王

室其省錄臺事勿令謬誤官之師長

先賢行狀曰魏文帝欲以賈詡為僕射曰尚書僕射官之師長

天下所望詡名素不重非所以服人  
是時文帝為五官將而臨淄侯植才名方盛各有黨與

有奪宗之議文帝使人問詡自固之術詡曰願將軍恢

崇德度躬素士之業朝夕孜孜不違子道如此而已文

帝從之深自砥礪太祖又嘗屏除左右問詡詡嘿然不

對太祖曰與卿言而不答何也詡曰屬適有所思故不

即對耳太祖曰何思詡曰思袁本初劉景升父子也太

祖大笑於是太子遂定荀勗別傳曰晉司徒闕武帝

問其人於勗答曰三公具瞻所歸不可用非端右之副

其人昔魏文帝用賈詡為三公孫權笑之補

晉中興書云顧和為尚書僕射以母老固辭詔勅諭特

聽暮出朝還其優遇如是尋朝議以臨端右之副不宜

處於外更加銀典官人之任晉起居注太康元年詔曰

青光祿大夫山濤自典官人之任志在

澄清風俗其總樞機之重晉紀武帝詔曰侍中羊祜秉

以為左僕射德清而處腹心之任始總樞

機之重加為

經始萬機

晉起居注永昌元年正月詔曰左僕射所以廣括賢俊經始萬

化之機護軍荀顗可進

協宣庶績

晉起居注太康元年詔曰尚書舊置左右

僕射所以恢演

綜詳朝政

晉起居注太始七年詔曰尚書總括萬機以貳紀綱綜詳

朝政

綜核名實

王隱晉書荀顗代陳泰為僕射領吏部四辭而後就職顗承泰後加之淑慎綜

核名實風

彌縫遺闕

華嶠漢書云李膺字元禮遷僕射與太傅陳蕃戮力悉心彌縫遺闕

也

臧榮緒晉書云張安石為僕射詔曰尚書

吏部後稱為廉平

晉書云盧欽為尚書僕射加侍中奉車都尉領吏部以清貧特賜絹百匹

欽舉必以材稱為廉平補案欽歷宰州郡不尚功名唯以平理為務祿俸散之親故不營貲產動循禮典妻亡

制廬杖終喪居外所著論難稱為強正

又云刁協為尚書左僕射于時

詩賦數十篇名曰小道附

朝廷草創憲章未立朝臣無習舊儀者協久在中朝諳練舊事凡所制度皆稟於協焉深為當時所稱強正也

案協性剛悍與物多忤每崇上抑下故為王氏所疾又使酒放肆侵毀公卿見者莫不側目然悉力盡心志在匡救帝甚信任之補

公稱為清

藏榮緒晉書云朱整為尚書僕射領吏部以公清為性持真勵

意舉臺憚之

司馬彪續漢書云鍾離意為堂邑令有能徵拜尚書僕射事有不便輒封還上諫舉

臺憚之數見求諫

漢書鄭崇為尚書僕射數求見諫爭上初納用之每見曳革履上笑曰我識鄭

尚書履聲也

案尚書令趙昌佞調素害崇知其見疏因奏崇與宗族通疑有姦請治上責崇曰君門如市人

何以欲禁切主上崇對曰排閤入諫

鍾離意別傳曰意為尚書僕射其年

臣門如市臣心如水補

匈奴來降詔賜繅三百匹尚書侍郎暨鄴受詔誤以三千匹賜匈奴詔大怒鞭鄴欲死意獨排省閤入諫曰海內遐邇謂陛下貴徵財而賤人命愚臣所不安明帝以意諫且鄴錯合大義貫鄴初大官賜酒藥詔謂意曰非鍾離尚書朕幾降威於此郎補

桓虞據法斷事

東觀漢記云桓虞遷尚書僕射據法斷事周密

平正上以為能擢為南陽太守

毛玠在官清恪

先賢行狀曰毛玠為尚書僕射雅亮公正任官

清恪其典選舉拔貞實斥華偽進遜行抑阿黨諸宰臣治民功績不著而私財豐足者皆免黜停廢久不選用于時四海翕然莫不勵行至乃長吏還者垢面羸衣常乘柴車軍吏入府朝服徒行人擬壺飧之潔家象濯纓之操貴者無穢欲之累賤者絕姦貨之求

黃瓊上疏

後漢

黃瓊為尚書僕射自帝即位不行籍田之禮瓊以國之大典不宜久廢上疏奏曰自古聖帝哲王莫不敬恭明

祀增致福祥故必躬郊廟之禮親籍田之勤以先羣萌  
率勸農功昔周宣王不籍千畝號文公以為大譏卒有

姜戎之難終山濤清虛王隱晉書太康元年以山  
損中興之名濤清虛恬簡轉為右僕射時多

令望衆論為美晉諸公贊云司馬珪時多令望早歷顯  
職晉受禪為尚書左僕射時年三十七

衆論以才學文章為上所昵晉中興書云王珣拜尚書  
為美才學文章為上所昵左僕射領吏部時帝雅好

典籍珣與徐邈郗恢殷仲堪徐  
邈等並以才學文章為上所昵徐宣總統留事魏志桓

宣為僕射後車駕幸許昌宣總統留事帝還主者何澄  
奏呈文書詔曰吾省與僕射何異竟不視之補何澄

坐家視事晉起居注云何澄遷左僕射領選  
以脚疾辭詔聽不朝坐家視事補李豐常多

託疾魏畧云李豐為尚書僕射在臺省常多托疾時臺  
制疾滿百日當解祿豐未滿數十日暫起已復臥

如是數歲及太傅久病曹爽攝政豐依達二公間無所  
是非故時人有謗書曰曹爽之勢熱如湯太傅父子冷  
如漿李豐兄弟如游光其意以為豐雖

周顗恒大飲酒

外示清淨而內國事有似於游光也  
晉書周顗傳云顗以雅望獲海內盛名後頗以酒失為  
僕射畧無醒日時人號為三日僕射庾亮曰周侯末年  
所謂鳳德之衰也顗在中朝時能飲酒一石及過江雖  
日醉每稱無對偶有舊對從北來顗遇之欣然乃出酒  
二石共飲各大醉及顗醒使視客已腐脅而死顗性寬  
裕而友愛過人弟嵩嘗因酒瞋目謂顗曰君才不及弟  
何以橫得重名以所燃蠟燭投之顗神色無忤徐曰阿  
奴火攻固出下策耳王導甚重之嘗枕顗膝而指其腹  
曰卿此中何所有也荅曰此中空洞無物然能容卿輩  
數百人導亦不以為忤又於導坐傲然嘯詠導云卿欲  
希嵇阮邪顗曰何敢近  
捨明公遠希嵇阮補



北堂書鈔卷五十九

欽定四庫全書

北堂書鈔卷六十

唐 虞世南 撰

明 陳禹謨 補註

設官部十二

吏部尚書

諸曹尚書

諸尚書左右丞

尚書郎總

尚書吏部

尚書諸曹郎

尚書令史

吏部尚書

掌選舉

晉書百官表注云吏部尚書一人秩六百石掌選舉事掌人物

華譚集尚書二曹論云劉

道真曰漢氏重賦曹晉重吏部或謂八座望同一揆不得偏有所重如不得已吏部職掌人物為差重焉專

選百官

袁子曰魏家置吏部尚書專選天下百官夫用人人君之所司不可以假人者也使治制在一

人之手權重而人才難得居此職有此才者未有一也

位處三曹

華譚集尚書二曹論銓管

為任

晉起居注云惠帝永康元年詔曰夫興治成務要在官人銓管之為任不可假人授侍中中書令光

祿大夫王戎鑒識明遠其以戎領吏部案戎本傳云戎為吏部始為甲午制凡選舉皆先治百姓然後授用

司隸傳咸奏戎曰書稱三載考績三考黜陟幽明今內  
外羣官居職未暮而戎奏還既未定其優劣且送故迎  
新相望道路巧詐由生傷民害政戎不仰依堯舜典謨  
而驅動浮華虧敗風俗戎與賈郭通親竟得不坐尋轉  
司徒以王政將圯苟媚取容屬

**銓衡之常**

傅玄吏部尚書箴云

愍懷太子之廢竟無一言匡諫

**銓管人才**

晉起居注云太康四

且表正而象平日夕而景側處喉舌者患銓衡之無常不患於不明

年制曰選曹銓管人才宜以忠恪抑末崇本尚書朱整以道素自居其以為吏部尚書

**判定選制**

晉諸公贊云李脩為吏部尚書正身率職不傾不撓遂判定選制

**建九品之法**

魏畧云延康元

年陳羣始建九品官人之法拜吏部尚書

**明審才之宜**

李重集云為選部尚書著選曹箴置之左

右以明審才之宜

**吏部宜重**

華譚尚書二曹論云人有精粗事有難易在於朝野者率難精擇此

吏部宜重者也 選曹尤劇

李重吏部尚書箴云難以選曹尤鍾其劇

易貴好爵書慎

官人

傅玄吏部尚書箴云脩己以道弘道以身易貴好爵書慎官人

刊虛名舉沈朴

華譚

集二 舉無失才

王隱晉書山濤為吏部前選殆周遍百官舉無失才凡所題目皆如其言唯

用陸亮是詔所用與公意異爭之不從亮亦尋為賄敗補

無復滯才

世說云王濬冲裴叔則二人總

角詣鍾士季須臾去後客問二童是誰曰裴王曰何如鍾曰裴楷清通王戎簡要後二十年此二賢當為吏部

尚書爾時天

先舉性行

魏志盧毓為吏部尚書前此諸葛誕鄧颺等馳名譽有四憲八

達之誚帝疾之時舉中書郎詔曰得其人與否在盧生耳選舉莫取有名名如畫地作餅不可啖也毓對曰名

不足以致異人而可以得常士常士畏教慕善然後有名非所當疾也毓典選舉先舉性行而後言才黃門李

豐嘗以問毓毓曰才所以善也故大才成大善小才成小善今稱之有才而不能為善是才不中器也豐等服其言

**多被拔擢**

魏畧云何晏遷侍中尚書主選有舊者多被拔擢

**心精體密**

吳志

薛綜為尚書固讓顧譚心精體密貫道達微才照人物德允衆望誠非愚臣所可越先後遂代綜

**執心**

**平當**

晉諸公贊云劉雄遷吏部尚書執心平當

**凌虛篤素**

晉起居注武帝太始八年詔曰議郎

山濤志為簡靜凌虛篤素立身行已足以厲俗其以濤為吏部尚書

**抑末崇本**

晉起居注見前**不**

**懈於位**

魏志盧毓為侍中在職三年多所駁爭詔曰官人秩才聖帝所難必須良佐進可替否侍中毓

稟性貞固心平體正可謂明試有功不懈於位者也

**正身率職**

晉諸公贊見前

**居職行其**

**所見**

晉諸公贊

**用人密啓後奏**

晉書山濤為太常卿遭母喪歸鄉里濤年踰耳順居喪過

禮負土成墳手植松柏詔曰吾所共致化者官人之職是也方今風俗陵遲人心進動宜崇明好惡鎮以退讓山太常雖尚居諒闇情在難奪方今務殷何得遂其號志耶其以濤為吏部尚書濤用人先密啓後口奏也號

為得才

吳書云李肅少以方聞孫權擢為選曹尚書加騎都尉選舉號為得才也

官人稱允

晉諸公贊云山濤為吏部尚書官人稱允

當時清淨內外肅然

王隱晉書云鄧攸遷吏部

尚書牧馬於家庭妻息素不受一錢於人當時清淨內外肅然

無敢好衣美食

傅咸集表云昔

毛玠為吏部尚書無敢好衣美食者魏武嘆曰孤之法不如毛尚書今使吏部用心如毛玠風俗之易在不難

矣薛綜固讓

吳志薛綜見上

阮孚不拜

晉書阮孚轉吏部尚書領東海王師稱疾不拜

詔就家用之尚書令郗鑒以為非禮帝曰就用之誠不快不爾便廢才案祖約性好財孚性好屐同是累而

未判其得失有詰約見正料財物客至屏當不盡餘兩  
小簾以著背後傾身障之意未能平或有詰阮正見自  
蠟屐因自嘆曰未知一生當著幾量一時之俊華譚尚  
履神色甚閑暢於是勝負始分補  
曹論云吏部收取一時  
之後晉魏以來俱爾  
二賢吏部世說鍾士季云  
裴楷王戎見前

### 諸曹尚書

再昇紫微

謝承後漢書云魏朗為尚書再昇紫微嘗誇  
禁省不屈豪右為百寮所服以黨事免 案朗

性矜嚴閉門整法長吏希見動有禮序  
室家相待如賓子孫如事嚴君焉補

三為選官

裴松之晉

紀云江彪三為  
選官少有薦舉  
周歷三臺

謝承後漢書曰蔡邕以持書  
御史遷尚書三月之間周歷

三臺遷  
侍中

損益萬機

晉書杜預為度支尚書在內七年損  
益萬機不可勝數朝野稱美號曰杜

武庫言其無所不有也。案預公家之事，知無不為。凡所興造，必考度始終，鮮有敗事。或譏其意碎者，預曰：禹稷之功，期於濟世所庶幾也。既立功之後，從容無事，乃耽思經籍，為春秋左氏經傳習解。又參攷眾家譜第，謂之釋例。預常稱王濟有馬癖，和嶠有錢癖。武帝聞之，謂預曰：卿有何癖？對曰：臣有左氏癖。補

閑練舊

典

益部者舊云：太尉李固薦楊準累世服事臺閣，閑練舊典，且有漸用宜在機密。特拜尚書也。

典定

舊制

袁山松漢書云：伏湛建武二年拜尚書，典定舊制。

事無不綜

傅子云：傅嘏為尚書，事大

小無不綜也。

內外不漏

謝後漢書云：王博拜尚書，明敏習漢家舊事，在臺歷載夙夜敬戒，內外不

漏

敏於眾職

謝後漢書云：荀紀拜尚書，性明亮敏於眾職。公卿大夫莫不憚之。

幹機密

職

又云：楊高拜尚書，淵懿博雅，明習國家典故，幹機密之職。夙夜周慎，退食自公。每朝賀，百僚側目。

臺

閣彈駁

魏畧云丁謐遷尚書謐為人外似疎畧而內多忌其在臺閣數有所彈駁臺中患之事不得行

案謐又意輕貴多所忽畧雖與何晏鄧颺等同位而皆少之唯以勢屈於真真亦敬之言無不從故于時謗

書謂臺中有三狗二狗崖柴不可當一狗憑默作疽囊三狗謂何丁鄧也默者爽小字也其意言三狗皆欲噬

人而謐尤甚也補

軍糧校計

晉書云帝以司馬乎為度支尚書軍糧校計一由之

文武羣

才多所明拔

先賢行狀曰崔琰清忠高亮雅識經遠推方直道正色于朝魏氏初拜尚書委授銓

衡總齊清議十有餘年文武羣才多所明拔朝廷歸高天下稱平補

內外眾職各得其才

傅咸陳事云正始中何晏典選舉內外眾職各得其才傑然之美於斯可觀

朱穆讜言正直

謝承後漢書云朱穆為尚書讜言正直

毛玠拔真斥偽

先賢行狀云毛玠為尚書典選舉拔

真實斥

華偽黃琬方毅

續漢書云黃琬方毅廉貞為侍中尚書

淡泊無欲

東觀漢記

鄭均為尚書淡泊無欲又嵇康高士傳曰均不仕漢朝

章帝自往終不肯起帝東巡過任城乃幸均舍敕賜尚書祿以終其身時人號為白衣尚書案續

漢志曰尚書秩六百石祿每月七十石補

許混鑒識

魏志云許混有鑒識王昶考課王昶考課事云尚書侍中考

明帝時為尚書王昶考課王昶考課事云尚書侍中考

二曰綜理萬機以考庶績三曰進規惟允以考讜

言四曰出納王命以考賦政五曰罰法以考典則翟酺

高第後漢翟酺遷侍中時尚書有缺詔將大夫六百石

能高而忌故太史令孫懿恐其先用乃往候懿既坐言

無所及惟涕泣流連懿怪而問之酺曰圖書有漢賊孫

登將以才智為中官所害觀君表相相似當應之酺受恩

接悽愴君之禍耳懿憂懼移病不試由是酺對第一拜

尚書補案春秋保乾圖曰漢賊臣名孫登大形小口長七尺九寸巧用法多技方詩書不用賢人杜口也附

鍾離大德

鍾離意別傳云棠邑令鍾離意至德仁和明皇帝詔徵詣闕拜尚書

光耀紫微

韋誕集云入作納言光耀紫微

光翼明聖

陸機云唯是喉舌光翼明聖

### 諸尚書左右丞

掌百官威儀

續漢書百官志云左右丞掌錄尚書吏人上章百官威儀

主臺內體

晉百

官表注云左丞主臺內宗廟祠祀朝儀體制彈按選用署吏督遠近文書給假也

皇朝司直天

臺管轄

傳咸云六尚書左右丞八座以下居萬機之會斯乃皇朝之司直天臺之管轄余前後為左丞

僂俛從事日慎一日也

職輕事重以賤制貴

傳咸表云左丞職輕事重以賤制貴人所

難居臣以闇**總典綱紀**晉百官志云右丞總領綱紀云云**掌假錢穀**蔡

漢儀曰右丞與僕射對掌授廩假錢穀與左丞無所不統凡宮中漏夜盡鼓鳴則起鍾鳴則息衛士甲乙徵相

傳甲夜畢傳乙夜相傳盡五更衛士傳言五更未明三刻後雞鳴衛士踵丞郎趨嚴上臺不畜宮中雞汝南出

雞鳴衛士候朱雀門外專傳雞鳴於宮中應劭曰楚歌今雞鳴歌也補**領都令史**晉百官表注云

左丞領都令史**署諸財用**續漢書百官志云右丞假署印綬及紙筆墨諸財用庫藏

量物多少晉百官表注云右丞主內庫藏斛量物多少**久次郎補**漢官儀云

左右丞久稱左右君漢書典職云左右丞對揖稱左右君也**攸攝百揆**晉

興書云孔坦拜左丞辭王丞相導曰卿在朝康濟時務拾遺損益者多矣眾談咸以左丞事要宜煩諒直以攝

百揆今天子事弊亦是急病讓夷之日豈得已也 案  
坦本傳云坦還尚書左丞深為臺中之所敬憚尋屬蘇  
峻反坦白王導曰及峻未至宜急斷阜陵之界守江西  
當利諸口彼少我衆一戰決矣導然之庾亮以為峻脫  
運來是襲朝廷虛也故計不行峻遂破姑熟取鹽米亮  
方悔之坦謂人曰觀峻之勢必破臺城自非戰士不須  
戎服既而臺城陷戎服者多死 無彈外官 江彪駁議云  
白衣者無他時人稱其先見補 彈外官 張稷言辭辯達帝深奇之 謝承後漢書云張稷  
之事 除尚書侍郎左丞朝

賀陞見進對威儀辭 黃香功滿當遷帝留增秩 東觀漢  
令辯達明帝深奇之 記云黃

香拜左丞功滿當 遷和帝留增秩 許奇有準繩操 晉諸公贊云許奇為  
尚書左丞有準繩操

也 楊高陳國便宜

謝承後漢書云楊高為尚書侍郎輔  
左丞自在臺閣閑練漢家故事前後

上表陳國

傅咸奏王懋

王隱晉書云傅咸為丞尚書東

政便宜

平王懋等不赴臺咸以懋等職

在機近宜當風發先百僚就在患病宜自扶立而宴然

在外不赴警急奏免懋咸前後彈奏辭皆深切公卿莫

不側 郗詵奏崔洪

晉中興書云郗詵為尚書左丞推吏

目者

部尚書崔洪洪曰我舉詵丞而還秦

我此謂挽弩自射詵曰趙宣子任韓厥為司馬而厥以

軍法戮宣子僕崔洪為國舉才我以才見舉唯官是視

各明至公何故其言乃至於此洪聞而悅服之 案詵

以對策上第拜議郎母憂去職詵母病苦無車及亡不

欲車載柩家貧無以市馬乃於所住堂北壁外假塋開

戶朝夕拜哭養雞種蒜竭其方術喪過三年得馬八匹

輿柩至冢負土成墳累遷雍州刺史武帝於東堂會送

問詵曰卿自以為何如詵對曰臣舉賢良對策為天下

第一猶桂林之一枝崑山之片玉帝笑侍中奏免詵官

帝曰吾與之戲耳不足怪也詵在任威嚴明斷甚得四

方聲  
舉補

白裒奏山濤

晉書山濤為尚書僕射加侍中領吏部固辭以老疾上表陳情章表數十

上久不攝職為左丞白裒所奏帝曰濤以病自聞但不聽之耳使濤坐執銓衡則可何必上下邪不得有所問

補

百僚所憚

又云郝隆為尚書郎轉左丞在朝為百僚所憚

在朝清肅

又云劉

丞在朝清肅

違命加罰

楊濟與傅咸書云云

案晉書

楊駿輔政咸言於駿曰事與世變禮隨時宜諒闇之不  
行尚矣由世道彌薄權不可假故雖斬焉在疚而躬覽  
萬機也今聖上欲委政於公諒闇自居竊謂山陵之事  
既畢明公當思隆替之宜周公聖人猶不免謗況聖上  
春秋非成王之年乎得意忘言言未易盡苟明公有以  
察其慳欵言豈在多初駿忌大司馬汝南王亮催使  
之藩楊濟與李斌數諫止之駿遂疎濟濟謂傅咸曰若  
家兄徵大司馬入退身避之門戶可得免耳不爾行當

赤族咸曰但徵還共崇至公便

懦弱免官

晉書王國寶傳云驃騎叅

立太平無為避也濟駿弟也附  
軍王徽請國寶同讌國寶素驕貴使酒怒尚書左丞祖  
台之攘袂大呼以盤餞樂器擲台之台之不敢言為諸  
聚所彈詔以國寶縱肆情性其不可長台之懦弱非監  
司體並坐免官頃之復職愈驕蹇不遵法度起齋俸清  
暑殿帝惡其僭侈國寶懼遂諂媚於帝國寶貪縱聚斂  
不知紀極後房伎妾以百數天下珍玩充滿其室附

### 尚書郎總

以孝廉郎

應劭漢官儀云尚書郎以孝廉年未五十選先試殿秦初上稱郎中滿歲為侍郎補

選

孝悌為郎

漢舊儀云高后選孝悌為郎

滿歲為侍郎五歲遷太尉

漢官

儀云尚書郎四人一人主匈奴單于營部一人主羌夷吏人一人主戶口墾田一人主錢帛貢獻委輸初入臺

為郎中滿歲稱為侍郎極清望山濤啓事云舊選尚書郎極清望也臺郎

清顯郭璞辭尚書郎表云臺郎清顯論望宜允也上應列宿出居百里華嶠後漢

書曰館陶公主為子求郎不許賜錢千萬明帝謂羣臣曰夫郎中上應列宿出居百里苟非其人則民受其殃

選吏能者為之漢官典職云尚書郎初從三署詣臺試初上臺稱守尚書郎中歲滿稱尚書郎

三年稱侍郎凡三十簡良能以親職裴秀奏事云謹按臺閣簡統萬機動

為法制是以特宜精簡良能以親其職臺閣簡統萬機動郎皆朝之後選當之處事宜辨正疑滯也邦之俊茂晉起

居注云臺郎御朝之後選裴秀奏事見前大臣之副山濤啓事云舊選尚

書郎清望號宰士之雋山濤啓事云彌綸舊章謝後漢書云尚書侍郎服

事升輝彌綸舊章策文通訓條在宮秘唯繁劇之仕郭

臺郎為得開覽其餘他官莫敢闕閫者也  
辭尚書表云今當以劣弱之質克督責之官以無  
用之才管繁劇之任且臺郎清貴論望宜允者也  
主作

文書

續漢書百官志云尚書侍郎三十人  
六人一曹有六人主作文書起草

受口宣詔

百官表注

云直郎一人  
受口宣詔

直建禮門

漢官典職云尚書郎夜直五日  
於建禮門內給青練白綾被或

以錦被帷帳  
褥太官供食

奏事明光

臺應劭漢官儀曰尚書郎入直  
臺廡中給女侍史二人皆選

端正指使從直女侍史執香爐燒薰以從  
入臺中給使護衣服奏事明光殿省中補  
握蘭丹墀官

儀云尚書郎握蘭含香趨走丹墀奏事黃門郎與  
對挹天子五時賜珥赤管大筆一雙分墨一九  
珥筆

華軒

潘岳贈陸機詩云齊轡龍墀光  
讚納言優遊省閣珥筆華軒

給青練被

蔡質漢官儀曰

尚書郎入直臺中官供新青綠白綾被或錦被晝夜更宿帷帳晝通中枕臥旃褥冬夏隨時改易大官供食五

日一美食下

賜赤管筆

漢官儀見上

趨翔廊閣

華陽國志云杜軫為尚書

郎每升降趨翔廊閣之下威容可觀中朝偉之案軫少師譙周發明高經於譙氏之門郡命為功曹鄧艾既破蜀被徵鍾會進成都時太守南陽張府君不肯出軫進曰征西囚執鎮西在近必有所遣軍亂之際交害無當宜避正殿府君即出住下舍會果遣參軍牽弘為太守數百騎擐甲馳馬入郡前驅問侯所在云已出善之弘復召為功曹察孝廉除建寧令徙視山陽新城池陽所在有治遷犍為太守惠愛在民還為州大中正軫既才學兼該而器量侔儻武帝雅識之補

優游省閣

潘岳贈陸機詩

常璩贊曰犍為印印友于寔令附

見上

# 尚書吏部郎

慎其所舉

魏志云諸葛誕為吏部郎人有所屬托則顯其言而承用之後有當否則公議其得失以

為褒貶自是羣僚莫不慎其所舉

清慎舉選

王隱晉書云李重遷尚書吏部郎務抑華競不通私

謁時留心隱逸由是羣才畢舉海內莫不歸心

案重

與李穀同為吏部郎時王戎為尚書重以清尚見稱穀

淹通有智識雖二人操異然俱處

時無屈滯

王蘊別傳云蘊為吏

要職戎以識會待之各得其所

補

部郎欲使

許允多用其鄉里

世說云許允為吏部郎多

收之其婦出誠允曰明主可以理奪難以情求既至帝

毅問之允對曰舉爾所知臣之鄉人臣所知也陛下檢校為稱職與不若不稱職臣受其罪既檢校皆官得其人於是乃釋初允被收舉家號哭阮新婦自若曰勿憂

尋選作粟粥待  
項之允至補  
杜錫不敢用鄉親  
王隱晉書曰杜錫補吏部郎不敢用鄉親

一人  
案錫遷太子中舍人性亮直忠烈屢諫懇懷太子言辭懇切太子患之後置針著錫所坐處墮中刺之

流血他日太子問錫向著何事錫對醉不  
知太子詰之曰君喜責人何自作過也補  
山濤在事清

明  
雅操邁時念多所乏今致錢二十萬穀二百斛補  
又云山濤遷吏部郎文帝與濤書曰足下在事清明

阮放甚有稱績  
晉中興書云阮放遷吏部郎在銓管之任甚有稱績性清約不理產業為郎不

免饑寒王導庾亮以其名選舉精密論望益美  
士供給衣食放由是得仕  
晉書周馥傳云

司徒王渾表馥理識清正兼有才幹主定九品檢括精  
切臣委任責成褒貶允當請補尚書郎許之稍遷司徒

左長史吏部郎選舉  
精切論望益美補  
竟歷顯職名顯朝廷  
又云桓彝為吏部郎名顯

朝廷於時王敦擅權嫌忌士望曩以疾去職嘗過興縣宰東海徐寧通朗博涉曩過之欣然停留累日結交而別先是庾亮每屬曩覓一佳吏部及至都謂亮曰為卿得一吏部矣亮問所在曩曰人所應有而不必有人所應無而不必無徐寧真海岱清士

裴楷精通王戎簡

要

世說見前

許允清吏

魏氏春秋云許允為吏部選遷郡守明帝疑其所用非次將加其罪允對

曰某郡太守雖限滿文書先至年限在後某守雖後日限在前帝前取事視之乃釋然遣出望其衣敗曰清吏也

阮放名士

晉中興書阮放見前

庾敳靜默無為

晉書庾敳遷吏部郎是時天下

多故機變屢起數常靜默無為補案數有重名為縉紳所推而聚歛積實談者譏之都官從事溫嶠奏之敳更器嶠目嶠森森如千丈松雖礪砢

阮咸真素寡欲

晉書云阮

多節施之大厦有棟梁之用附

咸歷仕散騎侍郎山濤舉咸典選曰阮咸真素家欲深  
識清濁萬物不能移若在官人之職必絕於時武帝以  
咸耽酒浮虛遂不用補案咸任達不拘與叔父籍為竹  
林之遊當世禮法者譏其所為咸與籍居道南諸阮居  
道北北阮富而南阮貧七月七日北阮盛晒衣服皆錦  
綺粲目咸以竿挂大布犢鼻於庭人或怪之荅曰未能  
免俗聊復爾耳附非但正已乃當正人山濤啟事云人才既自

難吏部郎以碎事日夜相接非但當正已而已乃當能  
正人議郎杜默德履亦佳太子庶子崔諒中郎陳淮皆  
有意正人其次不審有可用者否補雖克人之誠失其所某辭吏部郎書未詳阮咸

耽酒不用

晉書山濤舉阮咸見前

畢卓飲酒廢職

晉書畢卓少希放達為胡毋輔

之所知太興末為吏部郎常飲酒廢職比舍郎釀熟卓  
因醉夜至其甕間盜飲之為掌酒者所縛明旦視之乃

畢吏部也遽釋其縛卓遂因主人宴於甕側致醉而去  
卓嘗謂人曰得酒滿數百斛船四時甘味置兩頭右手  
持酒盃左手持蟹螯拍浮坐稽遲免臧榮緒晉書云劉  
酒船中便足了一生矣補  
郎坐選稽遲免官以私被黜徐廣晉紀云吏部陸亮山濤知其  
郎其後果以私被黜非才啟可為左丞帝遂使為吏部

### 尚書諸曹郎

馬游卿甲科為郎

漢書馬宮字游卿治春秋嚴氏以射策甲科為郎

阮德猷上

第拜郎

阮德猷集云策在上第即拜尚書郎毀舉之王徒或言對者因緣從托詔乃更延羣才庭對

公仲明經為郎

漢書云王嘉字公仲以明經射策甲科為郎

陸士衡文學轉

郎

王隱晉書陸機為郎中令吳王晏出鎮淮南以機有文學遷尚書中兵郎轉殿中郎補案機有駿犬名曰

黃耳甚愛之既而羈寓京師久無家問笑語犬曰我家絕無書信汝能齋書取消息不犬搖尾作聲機乃為書

以竹簡盛之而繫其頸犬尋路南走遂禰正平性與道至其家得報還洛其後因以為常附

合

後漢禰衡傳云東海孔融上疏薦衡曰臣竊見處士平原禰衡淑質貞亮英才卓犖初涉藝文升堂觀奧

目所一見輒誦於口耳所瞥聞不忘於心性與道合思若有神弘羊潛計安世默識以衡準之誠不足怪忠果正直志懷霜雪見善若驚疾惡如讎任座抗行史魚厲節殆無以過矣使衡立朝必有可觀飛辯騁辭溢氣全涌解疑釋結臨敵有餘如得龍躍天衢振翼雲漢揚聲紫微垂光虹蜺足以昭近署之多士增四門之穆穆夫激楚揚阿至妙之容臺牧者之所貪夏侯湛理識明徹飛兔騷衷絕足奔放良樂之所急補

司馬攸與山巨源書云太子舍人夏侯樂彥輔人之水

湛柔心居正理識明徹應可為郎也

鏡王隱晉書樂廣傳云尚書令衛瓘朝之耆舊逮與魏

正始中諸名士談論見廣而奇之曰自昔諸賢既沒

常恐微言將絕而今乃復聞斯言於君矣命諸子造焉

曰此人之水鏡見之瑩然若披雲霧而覩青天也王衍

自言與人語甚簡至及見廣便覺田鳳儀狀端正長陵

已之煩其為識者所嘆美如此補田鳳儀狀端正長陵

長陵田鳳字季宗立為尚書郎儀狀端正入秦杜軫威

事宣帝帝目送之因題云堂堂乎京兆田郎

容可觀華陽國志見前胡伯始兼治兩曹續漢書云胡廣字伯

試以章奏安帝以廣為天下第一旬月拜徐謁卿奉事

尚書郎恪勤職事所掌辨護兼治兩曹

二帝後漢徐防舉孝廉除為郎防體貌矜嚴占對可觀

帝異之特補尚書郎職典樞機周密畏慎奉事二

帝未嘗有過補

黃香數陳得失

後漢書黃香為尚書郎數陳得失賞賚增加嘗獨止宿臺上晝

夜不離省闈帝聞善之補

郭璞數言便宜

王隱晉書郭璞遷尚書郎數言便宜多所匡益案璞

好經術博學有高才而訥於言論詞賦為中興之冠好古文奇字妙於陰陽算歷有郭公者客居河東精於卜筮璞從之受業公以青囊中書九卷與之由是遂洞五行天文卜筮之術攘災轉禍通致無方雖京房管輅不能過也補賈克定法令

晉書賈克拜尚書郎典定科令兼度吏考課辯章節度事皆施用補劉

頌典科律

晉書劉頌拜尚書三公郎典科律申冤訟累遷中書侍郎補

龔遂處當平

決口筆俱著

謝承後漢書云龔遂字巨卿拜尚書郎性敏達彌縫舊章深識典故每入奏事朝廷

所問應時建白桓帝嘉其才臺閣有疑事一以委遂處當平決口筆俱著轉左丞

劉裕國家故

事決於口筆

又云劉裕字伯祖補尚書郎裕有才辯自  
在臺閣陳國家事故每有奏決於口筆為

羣僚所伏俯伏省閣

後漢書馮豹拜尚書郎忠勤不懈每奏  
事未報常俯伏省閣或從昏至明帝聞

而嘉之使黃門持被覆豹勅令勿驚由是數加賞賜補  
案豹年十二母為父所出後母惡之嘗因豹夜寐欲令

毒害豹逃走得免敬事愈謹而母疾之益深時人稱其  
孝長好儒學以詩春秋教麗山下鄉里為之語曰道德

彬彬馮仲文附

不離省闈

後漢書黃香傳見前

獨直臺上

後漢鍾離意傳云藥崧者河內

人天性朴忠家貧為郎嘗獨直臺上無被枕杜食糟糠  
帝每夜入臺輒見崧問其故甚嘉之自此詔大官賜尚

書以下朝夕餐給惟被  
皂袍及侍史二人補

有益臺閣

山濤啟事云太子舍人夏侯湛有盛才而

不長治民有益臺閣在東宮已久今殿中  
郎缺宜得才學不審其可參此選不也  
龔遂清儉賜

衣

漢書云龔遂拜尚書郎桓帝嘉其才又見衣服不鮮左右稱其清儉賜衣及車馬

馮豹俯伏

覆被

後漢馮豹見前

奏議為臺閣崇信

華嶠漢書云陽球補尚書郎閑達故事其所奏

議常為臺閣所崇信

據法為三臺之表

謝承後漢書云王譚除尚書郎服事臺閣傳習國典

據法為三臺之表

三署服其慎

東觀漢記云樊攄字文高每當直事駐車待漏冠劍不解於身

為郎二十歲未嘗被奏三署服其慎也

談者詠其高

王隱晉書魏舒為尚書郎時欲沙汰郎官

非其才者罷之舒曰吾即其人也襍被而出同寮素無清論者咸有愧色談者莫不詠其高也補案舒性好騎

射著韋衣入山澤以漁獵為事嘗詣野王主人妻夜產俄而聞車馬之聲相問曰男也女也曰男書之十五以

兵死復問寢者為誰曰魏公舒後十五載詣主人問所生兒何在曰因條桑為斧傷而死舒自知當為公也附

解系州里榮焉

晉書云解系及二弟結育並清身潔已  
俱歷洗馬舍人尚書郎州里榮焉案

時荀勗門宗強盛朝野畏憚之勗諸子謂系等曰我與  
卿為友應向我公拜勗又曰我與尊先使君親厚系曰  
不奉先君遺教公若與先君厚往日哀頓當垂書問親  
厚之誨非所敢承勗父子大慙當世壯之後系為西戎  
校尉假節會氏羌叛與征西大將軍趙王倫討之倫信  
用佞人孫秀與系爭軍事更相表奏系坐免官以白衣  
還第閭門自守及張華裴頠之被誅也倫秀以宿憾收  
系兄弟梁王彤救系等倫怒曰我於水中見蟹且惡之  
況此人兄弟  
輕我耶補

王湛臺閣益重

王湛別傳云湛為尚書郎  
事要機會輒中決之無所

不辦臺閣  
益歸重也

杜元凱擢拜

王隱晉書云杜預字元凱  
以婚親之恩擢拜尚書郎王叔

武超遷

晉書王彪之字叔武從伯導謂曰選官欲以汝  
為尚書郎汝幸可作諸王佐耶彪之曰位之多

少既不足計自當任之於時煒煒羣龍吐芳蘭嵇含臺至於超遷是所不願遂為郎

詩云殿中日煒謙謙君子美曾顏  
嵇含又詩曰三公日煒羣龍吐芳蘭

不能為郎三輔決錄云丁邯舉孝廉為郎故侍郎以令史久次補之世祖始改用孝廉邯稱病不就

詔問病羌為郎不對曰臣不病恥以孝廉為令史職耳

世祖怒杖之數十詔問欲為郎否邯曰能殺臣者陛下

不能為郎者臣詔遣出竟不拜郎固辭不拜  
晉書云王國寶少無士操不脩廉隅婦父謝安惡其

傾側每抑而不用除尚書郎國寶以中興膏藥崧走

床下後漢書鍾離意傳云明帝性褊察好以耳目隱發為明故公卿大臣數被詆毀近臣尚書以下至見

提拽嘗以事怒郎藥崧以杖撞之崧走入牀下帝怒甚疾言郎出郎出崧曰天子穆穆諸侯皇皇未聞人君自

起撞郎帝赦之朝廷莫不悚慄爭為嚴切以避誅責韓  
唯意獨敢諫爭數封還詔書臣下過失輒救解之補

宣職事受罰

魏畧云韓宣為尚書郎曾以職事受罰文  
帝輦過之問是誰左右以實對帝曰是子

建所通耶  
遂得原也

### 尚書令史

掌錄上事

百官表注云諸曹郎令史與郎  
並處事宜別掌錄上事立草

掌發章表

又云

直事令史  
掌發章表

別錄判校

又云尚書令史供所司  
別錄掌判校朝令也

別掌立草

見義士二人

魏志云濟陰王思與梁習俱為西曹令史  
思因直日白事失太祖指太祖大怒教召

主者將加重辟時思近出習代往對已被收執矣思乃  
馳還自陳已罪罪應受死太祖嘆習之不言思之識分

曰何意吾軍中有二義士乎補案裴松之以為習與王  
思同察而已親非骨肉義非刎頸而以身代思受不測  
之禍以之為義無乃乖先哲之雅旨乎史遷云死有重  
於太山有輕於鴻毛故君子不為苟存不為苟亡若使  
思不引分主不加恕則所謂自經於溝瀆

國士之風

隱

而莫之知也習之死義者豈其然哉附  
晉書三孟字長舒入補尚書都  
官令史善於清談有國士之風傅武仲下筆不休與班固  
超書云傅武仲以能屬文

李伯仁文章見稱

後漢書云  
李尤字伯

仁少以文章顯和帝時侍中賈逵薦尤有相如  
揚雄之風召詣東觀受詔作賦拜蘭臺令史補

邊讓占

對閑敘

後漢書邊讓傳云大將軍何進聞讓才名欲辟  
命之恐不至詭以軍事徵召既到署令史進以

禮見之讓善占射能辭對時賓客滿堂莫不美其風補  
案議郎蔡邕薦於何進曰竊見令史陳留邊讓天授逸

才聰明賢智及就學廬便受大典傳曰函牛之鼎以烹  
雞多汁則淡而不可食少汁則熬而不可熟此言大器  
之於小用固有不宜也邕竊惜邑怪此寶鼎未受犧  
牛太羹之和久在煎熬鬻割之間願明將軍回謀垂慮  
裁加少納貢之機密展之力用若以年齒為嫌則顏回  
不得貫德行之首子奇終無阿宰之功苟堪其事古今  
一也

**黃浮奉公憂民**

汝南先賢傳云黃浮補尚書令史奉公憂民以功除昌慮長號為神

君**孫鑠遂起就職**

臧榮緒晉書云孫鑠補吏部令史嘆曰天臺乃以公府掾為令史苦哉諸

人並清列不陞卑雜而我獨屯塞不通如何遂就職遷尚書郎

**高軫處法平允**


魏氏春秋云高

軫為刺史今史處法平允夙夜匪懈至抱文書而寐太祖見而哀之徐解裘覆之而去

**李苾用法**

**平整**

王隱晉書云李苾字升平為功曹除吏部令史用法平整



北堂書鈔卷六十